

四庫全書

子部

欽定四庫全書

子部

本草綱目卷三十一

詳校官太醫院醫士 臣舒岱

編修 臣 倉聖脈覆勣

總校官庶吉士 臣何思鈞

校對官待詔 臣胡士震

謄錄監生 臣徐 莊

欽定四庫全書

本草綱目卷三十一目錄

果之三

夷果類三十一種

內附四種

荔枝

開寶

龍眼

別錄

龍荔

綱目

橄欖

開寶

木威子

拾遺

菴摩勒 唐本

毗梨勒 唐本

沒離梨 拾遺

五斂子 綱目
即陽桃

五子實 綱目

榷實 別錄

海松子 開寶

檳榔 別錄

大腹子

開寶

椰子

開寶

無漏子

拾遺即
波斯棗

枕椰子

開寶

蘇木麩

海藥

波羅蜜

綱目

無花果

食物
文光
果天仙果附

阿勃勒

拾遺

沙棠果

綱目

探子

拾遺

麋目

拾遺

都桶子

拾遺

都念子

拾遺

都咸子

拾遺

摩厨子

拾遺

果德慶果附
齊墩

韶子

拾遺

馬檳榔

會編

枳椇

唐本

右附方舊二十一新四十一

本草綱目卷三十一目錄

欽定四庫全書

本草綱目卷三十一

明 李時珍 撰

果之三 夷果類三十一
種 內附四種

荔枝 宋開寶

釋名 離枝

綱目

丹荔

頌曰按朱應扶南記云此木結實時枝弱而蒂牢不可摘取必以刀

斧剗取其枝故以為名剗音利與荔同時珍曰司馬相如上林賦作離支按白居易云若離本枝一日色變三日味變則離支之名又或取此義也

集解

頌曰荔枝生嶺南及巴中今閩之泉福漳州興化軍蜀之嘉蜀渝涪州及二廣州郡皆有之其

品以閩中為第一蜀州次之嶺南為下其本高二三丈自徑尺至於合抱類桂木冬青之屬綠葉蓬蓬然四時榮茂不彫其木性至堅勁土人取其根作阮咸槽及彈碁局具花青白狀若冠之黠綬其子喜雙實狀如初生松毬殼有皺紋如羅初青漸紅肉色淡白如肪玉味甘而多汁夏至將中則子翕然俱赤乃可食也大樹下子至百斛五六月盛熟時彼方皆燕會其下以賞之極量取啖雖多亦不傷人少過則飲蜜漿便解荔枝始傳於漢世初惟出嶺南後出蜀中故左思蜀都賦云旁挺龍目側生荔枝唐白居易圖序論之詳矣今閩中四郡所出特奇蔡襄譜其種類至三十餘品肌肉甚厚甘香瑩白非廣蜀之比也福建歲貢白曝荔枝蜜煎荔枝肉俱為上方珍果白曝須嘉實乃堪其市貨者多用醃色荔枝入鹽梅曝成皮

色深紅味亦少酸殊失本真經曝則可經歲商販流布遍及華夏味猶不歇百果之盛皆不及此又有焦核荔枝核如鷄舌香味更甜美或云是木生背陽結實不完就者又有綠色蠟色皆其品之奇者本土亦自難得其蜀嶺荔枝初生小酢肉薄核大不堪白曝花及根亦入藥藏器曰顛微廣州記云荔枝冬夏常青其實大如鷄卵殼朱肉白核黃黑色似半熟蓮子精者核如鷄舌香甜美多汁極益人也時珍曰荔枝炎方之果性最畏寒易種而根浮其木甚耐久有經數百年猶結實者其實生時肉白乾時肉紅日晒火烘鹵浸蜜煎皆可致遠成朶晒乾者謂之荔枝按白居易荔枝圖序云荔枝生巴峽間樹形團團如帷蓋葉如冬青花如橘而春榮實如丹而夏熟朶如蒲桃核如枇杷殼如紅繒膜如紫綃韌肉潔白如冰雪漿液甘酸如醴酪大畧如彼其實過之若離本枝一日而色變二日而香變三日而味變四五日外色香味

盡去矣又蔡襄荔枝譜云廣蜀所出早熟而肉薄味甘酸不及閩中下等者閩中惟四郡有之福州最多興化最奇泉漳次之福州延亘原野一家甚至萬株興化上品大徑寸餘香氣清遠色紫殼薄瓢厚膜紅核如丁香母剝之如水精食之如絳雪荔枝以甘為味雖百千樹莫有同者過甘與淡皆失於中若夫厚皮尖斜肌理黃色附核而赤食之有渣食已而澀雖無酢味亦自下等矣最忌麝香觸之花實盡落也又洪邁夷堅志云莆田荔枝名品皆出天成雖以其核種之亦失本體形狀百出不可以理求也沈括筆談謂焦核荔子乃土人去其大根燂焦種成者大不然也珣曰荔枝樹似青木香熟時人未采則百蟲不敢近人纔采之烏鳥蝙蝠之類無不傷殘之也故采荔枝者必日中而衆采之一日色變二日味變三日色味俱變故古詩云色味不踰三日變也

實氣味甘平無毒

珣曰甘酸熱多食令人發虛熱李廷飛曰生荔枝多食發熱煩渴口

乾血頌曰多食不傷人如少過度飲蜜漿一盃便解也時珍曰荔枝氣味純陽其性畏熱鮮者食多即齧腫口痛或血也病齒蠶及火病人尤忌之開寶本草言其性平蘇氏謂多食無傷皆謬說也按物類相感志云食荔枝多則醉以殼浸水飲之即解此即食物不消還以本物消之之義也

主治止

渴益人顏色

開寶

食之止煩渴頭重心躁背膊悶

李珣

通神益智健氣

孟詵

治療瘰癧贅赤腫疔腫發小兒痘

瘡

時珍

發明

震亨曰荔枝屬陽主散無形質之滯氣故瘰癧贅赤腫者用之苟不明此雖用之無應

附方

新

疔瘡不發

荔枝肉浸酒飲并食之忌生冷間人規疔疹論

疔瘡惡

腫

普濟方用荔枝五箇或三箇不用雙數以狗糞中未淘淨為末與糯米粥同研成膏攤紙上貼之留

一孔

出毒氣

濟生秘覽用荔枝肉白梅

風牙疼痛

各三箇搗作餅子貼于瘡上根即出也

普濟用荔枝連殼燒存性研末擦牙即止乃治諸藥

不效仙方也

孫氏集効方用大荔枝一箇剝開填

鹽滿殼煨研

陀逆不止

荔枝七箇連皮核燒存性為

搽之即愈

末白湯調下立止

楊拱醫

方摘

要

核氣味甘温瀆無毒主治心痛小腸氣痛以一枚煨

存性研末新酒調服

宗

藥治癩疝氣痛婦人血氣刺痛

時珍

發明

時珍曰荔枝核入厥陰行散滯氣其實雙結而核肖罌丸故其治癩疝卵腫有迷類象形之義

附方新脾痛不止

荔枝核為末醋服二錢數服即愈 衛生易簡方 婦人血

氣

刺痛用荔枝核燒存性半兩香附子炒一兩為末每服二錢鹽湯米飲任下名蠲痛散 婦人良方

疝氣癩腫

孫氏用荔枝核炒黑色大茴香炒等分為末每服一錢溫酒下 皆効方玉環來笑

丹用荔枝核四十九箇陳皮連白九錢硫黃四錢為末鹽水打麩糊丸綠豆大過痛時空心酒服九丸良

久再服不過三服其陰腎腫痛 荔枝核燒礮 腎腫如効如神亦治諸氣痛 酒服二錢

斗

荔枝核青橘皮茴香等分各炒碾酒服二錢日三

穀主治痘瘡出時不爽快煎湯飲之又解荔枝熟浸

水飲時珍

附方新赤白痢荔枝殼椽斗殼炒石榴皮炒甘草炙各等分每以半兩水一盞半煎七分

溫服日二服

普濟方

花及皮根主治喉痺腫痛用水煮汁細細含嚥取瘥

止蘇頌出崔元亮海上方

龍眼別錄中品校正自木部移入此宗奭曰龍眼專為果未見入藥本草編入木部非矣

釋名龍目吳普圓眼俗名益智別錄亞荔枝開寶荔枝奴麗

珠 燕卵 蜜脾 鮫淚 川彈子

南方草木狀
時珍曰龍眼龍

目象形也吳普本草謂之龍目又曰比目曹憲博雅謂之益智弘景曰廣州有龍眼非益智也恐彼人別名耳志曰甘味歸脾能益人智故名益智非今之益智子也頌曰荔枝纔過龍眼即熟故南人目為荔枝奴又名木彈晒乾寄遠北人以為佳果目為亞荔枝

集解 別錄曰龍眼生南海山谷一名益智其大者似檳榔恭曰龍眼樹似荔枝葉若林檎花白色子

如檳榔有鱗甲大如雀卵頌曰今閩廣蜀道出荔枝處皆有之嵇含南方草木狀云木高一二丈似荔枝而枝葉微小凌冬不凋春末夏初開細白花七月實熟殼青黃色文作鱗甲形圓大如彈丸核若水梳子而不堅肉薄于荔枝白而有漿其甘如蜜實極繁每枝二三十顆作穗如蒲桃漢時南海常貢之大為民

害臨武長唐羌上書言狀和帝感其言詔止之時珍曰龍眼正圓別錄蘇恭比之檳榔殊不類也其木性畏寒白露後方可採摘晒焙令乾成朵乾者名龍眼錦按范成大桂海志有山龍眼出廣中色青肉如龍眼夏月實熟可噉此亦龍眼之野生者歟

實氣味甘平無毒

恭曰甘酸溫李廷飛曰生者沸湯淪過食不動脾

主治五

臟邪氣安志厭食除蠱毒去三蟲久服強魂聰明身

輕不老通神明

別錄

開胃益脾補虛長智

時珍

發明

時珍曰食品以荔枝為貴而資益則龍眼為良蓋荔枝性熱而龍眼性和平也嚴用和濟生方

治思慮勞傷心脾有歸脾湯取甘味歸脾能益人智之義

附方

一新

歸脾湯

治思慮過度勞傷心脾健忘怔忡虛煩不眠自汗驚悸用龍眼肉酸棗仁

炒黃芪炙白朮煨伏神各一兩木香半兩炙甘草二錢半
父咀每服五錢薑三片棗一枚水二鍾煎一鍾

溫服

濟生方

核主治胡臭六枚同胡椒二七枚碾遇汗出即擦之

時珍

龍荔

綱目

釋名

見下

集解

時珍曰按范成大桂海志云龍荔出嶺南狀如小荔枝而肉味如龍眼其木之身葉亦似二果

故名曰龍荔三月間小白花與荔枝同時熟不可生啜但可蒸食

實主治甘熟有小毒生食令人發癩或見鬼物

時珍出

桂海

志

橄欖

宋開寶

釋名青果

梅聖俞集

忠果

記事珠

諫果

出農書攬名義未詳此果雖

時珍曰橄

熟其色亦青故俗呼青果具有色黃者不堪病物也王禎云其味苦澀久之方回甘味王元之作詩比之忠言逆耳亂乃思之故人名為諫果

集解

志曰橄欖生嶺南樹似木槎子樹而高端直可愛結子形如生訶子無稜瓣八月九月采之又

有一種波斯橄欖生邕州色類相似但核作兩瓣蜜
漬食之說曰其樹大數圍實長寸許先生者向下後
生者漸高熟時生食味酢蜜漬極甜珣曰按南州異
物志云閩廣諸郡及緣海浦嶼間皆有之樹高文餘
葉似檉柳二月開花八月成實狀如長棗兩頭尖青
色核亦兩頭尖而有稜核內有三竅竅中有仁可食
頌曰按劉恂嶺表錄異云橄欖樹枝皆高聳其子深
秋方熟南人重之生咀嚼之味雖苦澀而芬香勝於
含鷄舌香也有野生者子繁而樹峻不可梯緣但刻
根下方寸許納鹽入內一夕子皆自落木亦無損其
枝節間有脂膏如桃膠南人採取和皮葉煎汁熬如
黑錫謂之攬糖用泥船隙牢如膠漆着水益乾也時
珍曰橄欖樹高將熟時以木釘釘之或納鹽少許于
皮內其實一夕自落亦物理之妙也其子生食甚佳
蜜漬鹽藏皆可致遠其木脂狀如黑膠者土人採取
焚之清烈謂之攬香雜以牛皮膠者即不佳矣又有

綠攬色綠烏攬色青黑肉爛而甘取肉搥碎乾放自有霜如白鹽謂之攬醬青攬核內仁乾小惟烏攬仁最肥大又有文層疊如海蝶蛸狀而味甘美謂之攬仁又有一種方攬出廣西兩江峒中似橄欖而有三角或四角即是波斯橄欖之類也

實氣味酸甘溫無毒

宗奭曰味澀良久乃甘震亨曰味澀而甘醉飽宜之然性熱多

食能致上壅時珍曰橄欖鹽過則不苦澀同栗子食甚香按延壽書云凡食橄欖必去兩頭具性熱也過白露摘食庶不病店 主治生食煮飲並消酒毒解鯨鮫魚毒

開寶

嚼汁噉之治魚鯁

宗奭

生啖煮汁能解諸毒

蘇頌

開胃下

氣止瀉

大明

生津液止煩渴治咽喉痛咀嚼噉汁能解

一切魚鼈毒時

珍

發明

志曰鯨鮫魚即河豚也人誤食其肝及子必迷悶至死惟橄欖及木煮汁能解之其木作舟楫

撥着魚皆浮出故知物有相畏如此者時珍曰按名醫錄云吳江一富人食鰕魚被鯁橫在胃中不上不下痛聲動鄰里半月餘幾死忽遇漁人張九令取橄欖與食時無此果以核碾末急流水調服骨遂下而愈張九云我父老相傳橄欖木作取魚棹篋魚觸着即浮出所以知魚畏橄欖也今人煮河豚團魚皆用橄欖乃知橄欖能治一切魚鼈之毒也

附方 新初生胎毒

小兒落地時用橄欖一箇燒研硃砂末五分和勻嚼生脂麻一口吐

唾和藥絹包如棗核大安兒口中待啞一箇時頃方可與乳此藥取下腸胃穢毒令兒少疾及出痘稀少

也 孫氏

集効方 唇裂生瘡

橄欖炒研猪脂和塗之

牙齒風疔

膿血有蟲用橄

攪燒研入麝香少許貼之

下部疔瘡

橄欖燒存性研末油調敷之或加孩兒茶等分

乾坤

生意

攪仁氣味甘平無毒主治唇吻燥痛研爛傅之

開寶

核氣味甘澆溫無毒主治磨汁服治諸魚骨鯁及食

鱠成積又治小兒痘瘡倒靨燒研服之治下血

時珍

附方 新三腸風下血

橄欖核燈上燒存性研末每服二錢陳米飲調下 仁齋宜指方

陰腎癩腫

橄欖核荔枝核山楂核等分燒存性研末每服二錢空心茴香湯調下

耳足

凍瘡 橄欖核燒研油調
塗之 乾坤生意

木威子 拾遺

釋名 未詳

集解

藏器曰木威生嶺南山谷樹高丈餘葉似棘葉子如橄欖而堅亦似棗削去皮可以為粽食時珍曰木威子橄欖之類也陳氏說出顧微廣州記中而梁元帝金樓子云橄欖樹之南向者為橄欖東向者為木威此亦傳聞謬說也

實氣味酸辛無毒

時珍曰按廣州記云苦澀

主治心中惡水水氣

藏器

菴摩勒

唐附

校正

自木部移入此

釋名餘甘子

唐本

菴摩落迦果

藏器曰梵書名菴摩勒又名摩勒落迦果其味

初食苦澀良久更甘故曰餘甘

集解

恭曰菴摩勒生嶺南交廣愛等州樹葉細似合昏其花黃實似李柰青黃色核圓有稜或六或

七其中仁亦入藥用珣曰生西國者大小如枳椇子狀頌曰餘甘子今二廣諸郡及西川戎瀘蠻界山谷皆有之木高一二丈枝條甚軟葉青細密朝開暮斂如夜合而葉微小春生冬彫三月有花着條而生如粟粒微黃隨即結實作筵每條三兩子至冬而熟如李子狀青白色連核作五六瓣乾即並核皆裂俗作果子噉之時珍曰餘甘泉州山中亦有之狀如川棟子味類橄欖亦可蜜漬鹽藏其木可製器物按陳祈

暢異物志云餘甘樹葉如夜合及槐葉其枝如柘其
花黃其子圓大如彈丸色微黃有文理如定陶瓜核
有五六稜初入口苦澀良久飲水更甘鹽而蒸之尤
美其說與兩蘇所言相合而臨海異物志云餘甘子
如梭形大如梅子其核兩頭銳與橄欖一物異名也
然橄欖形長尖餘甘形圓稍有不同葉形亦異蓋二
物也又蘇恭言其仁可入藥而未
見主治何病豈亦與果同功耶

實氣味甘寒無毒

珣曰苦酸
甘微寒澆

主治風虛熱氣

唐本補益

強氣合鐵粉一斤用變白不老取子壓汁和油塗頭

生髮去風痒令髮生如黑漆也

藏器

主丹石傷肺上氣

欬嗽久服輕身延年長生服乳石人宜常食之

李珣為

末點湯服解金石毒

宗

解硫黃毒

時珍

部方物圖

出益

發明

宗奭曰黃金得餘甘則體柔亦物類相感相伏也故能解金石之毒也

仁

缺

毗梨勒

唐本草

校正

自木部移入此

釋名三果

珣曰木似訶梨勒而子亦相似但圓而毗故以名之毗即臍也

集解

恭曰毗梨勒出西域及南海諸國嶺南交愛等州戎人謂之三果樹似胡桃子形亦似胡桃核

似訶梨勒而圓短無稜用亦同法番人以此作漿甚熱

實氣味苦寒無毒

珣曰味苦帶澀微温無毒作漿性熱

主治風虛熱氣

功同菴摩勒

唐本

暖腸腹去一切冷氣作漿染鬚髮變

黑色

甄權

下氣止瀉痢明燒灰乾血有效

李珣

發明

時珍曰毗梨勒古方罕用惟千金方補腎鹿角丸用三果漿吞之云無則以酒代之則此果亦

餘甘之類而性稍溫瀼也

附方

一新

大風髮脫

毗梨勒燒灰類擦有效 聖惠方

五斂子

綱目

釋名五稜子

桂海志

陽桃

時珍曰按嵇含草木狀云南人呼稜為斂故以為名也

集解

時珍曰五斂子出嶺南及閩中閩人呼為陽桃其大如拳具色青黃潤綠形甚詭異狀如田家

碌礪上有五稜如刻起作劍脊形皮肉脆軟其味初酸久甘其核如柰五月熟一樹可得數石十月再熟以蜜漬之甘酢而美俗亦晒乾以充果食又有三廉子蓋亦此類也陳祈暢異物志云三廉出熙安諸郡南人呼稜為廉雖名三廉或有五六稜者食之多汁味甘且酸尤宜與眾果黍食

實氣味甘澹平無毒主治風熱生津止渴

時珍

五子實

綱目

集解

時珍曰五子樹今潮州有之按裴淵廣州記云五子實大如梨而內有五核故名

實氣味甘溫無毒主治霍亂金瘡宜食

時珍潮州志

榷實

別錄下品

校正

時珍曰別錄木部有榷實又有排華神農本草魚蟲部有被子宋開寶本

草退被子入有名未用今
據蘇恭之說合併於下

釋名被子

音彼神農

赤果

用日

玉榧

用日

玉山果

時珍曰被子作排其木名

文木斐然章采故謂之榧信州玉山縣者為佳故蘇東坡詩云彼美玉山果榮為金盤實被子見下瑞曰

土人呼為赤

果亦曰玉榧

集解

別錄曰榧實生永昌彼子生永昌山谷弘景曰彼子亦名羅子從來無用者古今諸醫不復識

之榧實出東陽諸郡恭曰彼子當從木作被子誤入虫部也爾雅彼亦名結其葉似杉木如栢而微軟子名榧子宜入果部又註榧實云即虫部彼子也其木大連抱高數仞其葉似杉其木似栢其理似松肌細軟堪為器用宗奭曰榧實大如橄欖殼色紫褐而脆其中子有一重黑粗衣其仁黃白色嚼久漸甘美也

藏器曰排華即榷子之華也排與榷同榷樹似杉子如長檳榔食之肥美本經虫部有彼子陶氏復於木部出榷實排華皆一物也頴曰榷有一種粗榷其木與榷相似但理粗色赤耳其子稍肥大僅圓不尖神農本草彼子即粗榷也時珍曰榷生深山中人呼為野杉按羅願爾雅翼云披似杉而異于杉彼有美實而木有文采其木似桐而葉似杉絕難長木有牝牡牡者華而牝者實冬月開黃圓花結實大小如棗其核長如橄欖核有尖者不尖者無稜而殼薄黃白色其仁可生啖亦可焙收以小而心實者為佳一樹不下數十斛陶氏不識披子惟蘇恭能辨為一物也

榷實

別錄氣味甘平瀉無毒

瑞曰性熱同鷓肉食生斷節風又上壅人忌火氣時

珍曰按物類相感志云榷煮素羹味更甜美猪脂炒榷黑皮自脫榷子同甘蔗食其渣自軟又云榷子皮

及菘豆能
殺人也

主治常食治五痔去三蟲蠱毒鬼疰惡毒

別錄食之療寸白蟲

景弘

消穀助筋骨行營衛明目輕身

令人能食多食一二升亦不發病

孟詵

多食滑腸五痔

人宜之

宗奭

治欬嗽白濁助陽道

生生編

被子

本經舊作彼

氣味甘溫有毒主治腹中邪氣去三蟲

蛇螫蠱毒鬼疰伏尸

本經

發明

震亨曰榧子肺家果也火炒食之香酥甘美但多食則引火入肺大腸受傷耳原曰榧子殺腹

間大小虫小兒黃瘦有虫積者宜食之蘇東坡詩云驅除三彭虫已我心腹疾是矣時珍曰榧實被子治

療相同當為一物無疑但本經被子有毒似有不同亦因其能殺虫蠱耳汪穎以粗樞為被子終是一類

不甚相遠也

附方

舊一寸

新四寸白蟲

說曰日食樞子七顆滿七日蟲皆化為水也

外臺秘要用樞子一

百枚去皮火燃啖之經宿蟲消下也胃弱者啖五十枚

好食茶葉

面黃者每日食樞子七枚

以愈為度

揚起簡便方

令髮不落

一兩搗浸雪水梳頭髮永不

落且潤也

聖惠方

卒吐出血

先食蒸餅兩三箇以樞子為末白湯服三錢日三服聖濟總

錄尸咽痛痒

語言不出樞實半兩蕪荑一兩杏仁桂各半兩為末蜜丸彈子大含咽聖濟

錄總

排華

別錄藏器曰即榧子華也

春月生采之

氣味苦主治水氣去赤蟲

令人好色不可久服

別錄

海松子

宋開寶

釋名新羅松子

集解

志曰海松子狀如小栗三角其中仁香美東夷當果食之亦代麻腐食之與中國松子不同炳

曰五粒松一叢五葉如釵道家服食絕粒子如巴豆大新羅往往進之頌曰五粒字當作五鬣音傳訛也五鬣為一叢或有兩鬣七鬣者松歲久則實繁中原雖有小而不及塞上者佳好也瑞曰松子有南松北松華陰松形小殼薄有斑極香新羅者肉甚香美時珍曰海松子出遼東及雲南其樹與中國松樹同惟

五葉一叢者毬內結子大如巴豆而有三稜一頭尖
日久收亦油馬志謂如小栗殊失本體中國松子大
如栢子亦可入藥不堪果食詳見木部松下按段成
式酉陽雜俎云予種五鬣松二株根大如碗結實與
新羅南詔者無別其三鬣者俗呼孔雀松亦有七
鬣者或云三鍼者為栝子松五鍼者為松子松

仁氣味甘小温無毒

珣曰新羅松子甘美大温去皮
食之甚香與雲南松子不同雲

南松子似巴豆其味不及與卑古國偏桃仁相似多
食發熱毒時珍曰按醫說云食胡羊肉不可食松子
而物類相感志云几雜色羊肉
入松子則無毒其說不同何哉
主治骨節風頭眩去

死肌變白散水氣潤五臟不饑
開寶逐風痺寒氣虛羸

少氣補不足潤皮膚肥五臟
別錄主諸風温腸胃久服

輕身延年不老

李珣

潤肺治燥結欬嗽

時珍

同栢子仁治

虛秘宗

發明

時珍曰服食家用松子皆海松子白中國松子肌細力薄只可入藥耳按列仙傳云僊佺好食

松實體毛數寸走及奔馬又犢子少在黑山食松子茯苓壽數百歲又赤松子好食松實天門冬石脂齒落更生髮落更出莫知所終皆指此松子也

附方

舊一服三新服松子法

七月取松實過時即落難收也去木皮搗如膏收之每服鷄子

大酒調下日三服百日身輕三百日行五百里絕穀久服神仙渴即飲水亦可以疎過松脂同服之聖

方肺燥欬嗽

蘇遊鳳髓湯用松子仁一兩胡桃仁二兩研膏和熟蜜半兩收之每服二錢食

後沸湯點服
外臺秘要

小兒寒嗽

或作壅喘用松子仁五箇百部炒麻黃各三分杏仁四十

箇去皮尖以少水畧煮三五沸化白糖凡芡
子大每食後含化十九大妙
錢乙小兒方

大便

虛秘

松子仁栢子仁麻子仁等分研泥溶白蠟和九梧子大每服五十九黃芪湯下

寇宗奭

檳榔

別錄中品

校正

自木部移入此

釋名賓門

李當之藥對

仁頻

音賓

洗瘴丹

時珍曰賓與郎皆貴客之稱嵇含南

方草木狀言交廣人凡貴勝族客必先呈此果若邂逅不設用相嫌恨則檳榔名義蓋取于此雷斅炮炙

論謂尖者為檳圓者為榔亦以強說又顏師古註上林賦云仁頻即檳榔也說曰閩中呼為檳欖子

集解

別錄曰檳榔生南海弘景曰此有三四種出交州者形小味甘廣州以南者形大味澀又有大

者名猪攢椰皆可作藥小者名蒟子俗呼為攢椰孫亦可食恭曰生交州愛州及崑崙頌曰今嶺外州郡皆有之木大如栲椰而高五七丈正直無枝皮似青桐節似挂枝葉生木顛大如楯頭又似芭蕉葉其實作房從葉中出旁有刺若棘鍼重疊其下一房數百實如鷄子狀皆有皮殼其實春生至夏乃熟肉滿殼中色正白蘇恭言其肉極易爛不經數日今入北者皆先以灰煮熟焙熏令乾始可留久也小而味甘者名山攢椰大而味澀核亦大者名猪攢椰最小者名蒟子雷氏言尖長而有紫文者名攢圓大而矮者名椰椰力大而攢力小今醫家亦不細分但以作鷄心狀正穩心不虛破之作錦文者為佳爾嶺南人噉之以當果食言南方地濕不食此無以祛瘴癘也生食其味苦澀得扶留藤與瓦屋子灰同咀嚼之則柔滑甘美也劉恂嶺表錄云真攢椰來自船工今交廣生者皆大腹子也彼中悉呼為攢椰或云攢椰難得真

者今賈人所貨者皆是大腹檳榔也與檳榔相似但莖葉幹小異耳連皮收之時珍曰檳榔樹初生若筍竿積硬引莖直上莖幹頗似枕椰子而有節旁無枝柯條從心生端頂有葉如甘蔗條派開破風至則如羽扇掃天之狀三月葉中腫起一房因自拆裂出穗凡數百顆大如桃李又生刺重累于下以護衛其實五月成熟剝去其皮煮其肉而乾之皮皆筋絲與大腹皮同也按漢俞益期與韓康伯賤云檳椰子既非常木亦特異大者三圍高者九丈葉叢樹端房棲葉下華秀房中子結房外其擢穗似黍其綴實似穀其皮似桐而厚其節似竹而概其內空其外勁其屈如伏虹其申如繩繩本不大末不小上不傾下不斜調直亭亭千百如一步其林則寥朗葩其陰則蕭條信可長吟遠想但性不奈霜不得比植必當避樹海南遼然萬里弗遇長者之目令人深恨也又竺法真羅山疏云山檳榔一名納子生日南樹似拼攔而小

與檳榔同狀一叢十餘幹一幹十餘房一房數百子
子長寸餘五月采之味近苦甘觀此則山檳榔即蒟
子豬檳榔即大腹子也蘇頌以味甘者
為山檳榔澀者為豬檳榔似欠分明

檳榔子修治

數曰頭圓矮毗者為榔形尖紫文者為檳檳力小榔力大凡使用白檳及存坐

穩正心堅有錦文者為妙半白半黑并心虛者不入藥用以刀刮去底細切之勿令經火恐無力若熟使
不如不用時珍曰近時方藥亦有以火煨焙用者然
初生白檳榔須本境可得若他處者必經煮熏安得
生者耶又檳榔生食必以扶留藤古貢灰為使相合
嚼之吐去紅水一口乃滑美不澀下氣消食此三物
相去甚遠為物各異而相成相合如此亦為異矣俗
謂檳榔為命賴扶留以此古貢灰即螻蚌灰也貢乃
蚌字之訛瓦屋
子灰亦可**氣味苦辛溫澀無毒**
甄權曰味甘大寒大明曰味澀

弘景曰交州者味甘廣州者味澀洵曰白者味甘赤者味苦元素曰味辛而苦純陽也無毒說曰多食亦

發熱

主治消穀逐水除痰癖殺三蟲伏尸寸白別錄治腹

脹生搗末服利水穀道傳瘡生肌肉止痛燒灰傳口

叻白瘡

蘇恭

宣利五臟六腑壅滯破胃中氣下水腫治

心痛積聚

甄權

除一切風下一切氣通關節利九竅補

五勞七傷健脾調中除煩破癥結大明主貢豚膀胱諸

氣五隔氣風冷氣脚氣宿食不消李珣治衝脉為病氣

逆裏急

好古

治瀉痢後重心腹諸痛大小便氣秘痰氣

喘急療諸瘧禦瘴癘

時珍

發明

元素曰檳榔味厚氣輕沉而降陰中陽也苦以破滯辛以散邪泄胸中至高之氣使之下行性

如鐵石之沉重能墜諸藥至於下極故治諸氣後重如神也時珍曰按羅大經鶴林玉露云嶺南人以檳榔代茶禦瘴其功有四一曰醒能使之醉蓋食之久則熏然頰赤若飲酒然蘇東坡所謂紅潮登頰醉檳榔也二曰醉能使之醒蓋酒後嚼之則寬氣下痰餘醒頓解朱晦菴所謂檳榔收得為祛痰也三曰飢能使之飽四曰飽能使之飢蓋空腹食之則充然氣盛如飽飽後食之則飲食快然易消又且賦性疏通而不洩氣稟味嚴正而更有餘甘有是德故有是功也又按吳興章傑瘴說云嶺表之俗多食檳榔日至十數夫瘴癘之作率因飲食過度氣痞積結而檳榔最能下氣消食去痰故人紐于近利而闇於遠患也夫

嶠南地熱四時出汗人多黃瘡食之則臟器疏洩一
旦病瘴不敢發散攻下豈盡氣候所致檳榔蓋亦為
患殆未思耳又東陽盧和云閩廣人常服檳榔云能
祛瘴有瘴服之可也無瘴而服之寧不損正氣而有
開門延寇之禍乎南人喜食此果故備考諸說以見
其功過焉又朱晦菴檳榔詩云憶昔南遊日初嘗面
發紅藥囊知有用茗益詎能同蠲疾收殊效修真錄
異功三彭如不避糜爛七非中亦與其治疾殺蟲之
功而不滿其
代茶之俗也

附方

舊十三
新十四

痰涎為害

檳榔為末白湯每服
一錢 御藥院方

嘔吐痰

水

白檳榔一顆煨熟橘皮二錢半炙醋心吐水
為末水一盞煎半盞溫服 千金

橘皮一兩為末每服方寸七傷寒痞滿陰病下早成
空心生蜜湯調下 梅師方 痞按之虛軟

而不痛檳榔枳實等分為末每傷寒結胸已經汗下
服二錢黃連煎湯下 宣明方 後者檳榔

二兩酒二盞煎一盞分 蚘厥腹痛上方同 心脾作痛
二服 龐安時傷寒論 上 心脾作痛 雞

檳榔高良薑各一錢半陳米 勝胱諸氣 檳榔十二枚
百粒同以水煎服之 直指 一熟為

末酒煎服之良此太醫奏 本臟氣痛 雞心檳榔以小
鳴鶴方也 海藥本草 便磨半箇服或

用熱酒調末一錢 腰重作痛 檳榔為末酒服 腳氣壅
服之 斗門方 一錢 斗門方 腳氣壅

痛 以沙牛尿一盞磨檳榔一枚 腳氣衝心 悶亂不識
空心暖服 梅師脚氣論 人用白檳

榔十二枚為末分二服空心暖小便五合 腳氣脹滿
調下日二服或入薑汁温酒同服 廣利 腳氣脹滿

非冷非熱或老人弱人病此用檳榔仁為末以檳榔
殼煎汁或茶飲蘇湯或豉汁調服二錢甚利 外臺

秘乾霍亂病 心腹脹痛不吐不利煩悶欲死用檳榔
末五錢童子小便半盞水一盞煎服

聖濟大腸濕悶 腸胃有濕大便秘塞大檳榔一枚麥
總錄 門冬煎湯磨汁温服或以蜜湯調末

二錢服亦 大小便閉 檳榔為末蜜湯調服二錢或以
可 普濟 童子小便葱白同煎服之亦良

普濟小便淋痛 麩煨檳榔赤芍藥各半兩為末每服
濟方 三錢入燈心水煎空心服日二服

千便血淋作痛 檳榔一枚以麥門冬煎湯細磨
良方 濃汁一盞頓熱空心服日二服 蟲痔

裏急 檳榔為末每日空心 寸白蟲病 檳榔二枚為
以白湯調服二錢 末先以水二升

半煮檳榔皮取一升空心調末方寸七服之 諸蟲在
經日盡出未盡再服以盡為度 千金方 諸蟲在

臟久不瘥者檳榔半兩炮為末每服二 金瘡惡心 檳
錢以葱蜜煎湯調服一錢 聖惠方 檳

欽定四庫全書 本草綱目 卷三十一 九

榔四兩橘皮一兩為末空心 丹從臍起 檳榔末醋調
生蜜湯服二錢 聖惠方 傳之 本事

方小兒頭瘡 水磨檳榔晒 取粉和 口吻生瘡 檳榔燒
粉末傳 生油塗之 聖惠方 研入輕

之良 時耳出膿 檳榔末吹之 紀氏方

大腹子 宋開 校正 自木部 移入此

釋名大腹檳榔 經 豬檳榔 時珍曰大腹以形名
集解 志曰大腹生南海諸國所出與檳榔相似莖葉

大腹時珍曰大腹子出嶺表滇南即檳榔中一種腹
大形扁而味澀者不似檳榔失長味良耳所謂豬檳

榔者是矣蓋亦土產之異今人不甚分別陶氏分陰
陽之說亦是臆見按劉珣嶺表錄云交廣生者非舶

上檳榔皆大腹子也彼中悉呼為檳榔自嫩及老采
實啖之以扶留藤瓦屋灰同食之以祛瘴癘救其皮

入藥皮外黑色皮內皆筋絲如椰子皮又雲南記云
大腹檳榔每枝有二三百顆青時剖之以一片薑葉

及蛤粉卷和食之即減濕味觀此二說則大
腹子與檳榔皆可通用但力比檳榔稍劣耳

大腹子氣味辛 溫無毒 主治與檳榔同功 時珍

大腹皮修治 思邈曰鴉鳥多集檳榔樹上凡用檳榔
乾入灰火 皮宜先以酒洗後以大豆汁再洗過晒

燒煨切用 氣味辛微溫無毒 主治冷熱氣攻心腹大

腸蠱毒痰膈醋心並以薑鹽同煎入疏氣藥用之良

開下一切氣止霍亂通大小腸健脾胃開胃調中 大降

逆氣消肌膚中水氣浮腫脚氣壅逆瘴瘧痞滿胎氣

惡阻脹悶

時珍

附方

新二

漏瘡惡穢

大腹皮煎湯洗之直指

烏癩風瘡

大腹子生者或乾者

連全皮勿傷動以酒一升浸之慢火熬乾為末臘猪脂和傳聖濟總錄

椰子

宋開寶

校正

自木部移入此

釋名越王頭

綱目胥餘

時珍曰按嵇含南方草木狀云相傳林邑王與越王有怨使刺

客乘其醉取其首懸於樹化為椰子其核猶有兩眼故俗謂之越王頭而其漿猶如酒也此說雖謬而俗傳以為口實南人稱其君長為爺則椰名蓋取於爺義也相如上林賦作胥餘或作胥耶

集解

志曰椰子生安南樹如棕櫚子中有漿飲之得醉頌曰椰子嶺南州郡皆有之郭義恭廣志云

木似枕椰無枝條高丈餘葉在木末如束蒲其實大如瓠垂於枝間如掛物然實外有粗皮如椶包皮內有堅殼圓而微長殼內有膚白如猪膚厚半寸許味如胡桃膚內裹漿四五合如乳飲之冷而動氣醱人殼可為器肉可糖煎寄遠作果甚佳珣曰按劉欣期交州記云椰樹狀若海棧實大如椶外有粗皮如大腹子豈殼之類內有漿似酒飲之不醉生雲南者亦好宗奭曰椰子開之有汁白色如乳如酒極香別是一種氣味強名為酒中有白瓠形圓如栝樓上起細龐亦白色而微虛其紋若婦人裙褶味亦如汁與着殼一重白肉皆可糖煎為果其殼可為酒器如酒中有毒則酒沸起或裂破今人漆其裏即失用椰子之意時珍曰椰子乃果中之大者其樹初栽時用鹽置根下則易發木至斗大方結實大者三四圓高五六

大木似枕椰擯椰之屬通身無枝其葉在木頂長四五尺直聳指天狀如棕擗勢如鳳尾二月開花成穗出於葉間長二三尺大如五斗器仍連着實一穗數枚小者如栝樓大者如寒瓜長七八寸徑四五寸懸着樹端六七月熟有粗皮已之皮內有核圓而黑潤甚堅硬厚二三分殼內有白肉瓢如凝雪味甘美如牛乳瓢肉空處有漿數合鑽蒂傾出清美如酒若久者則混濁不佳矣其殼磨光有斑顯點紋橫破之可作壺爵縱破之可作瓢杓也又唐史言番人以其花造酒飲之亦醉也類書有青田核樹頭酒嚴樹酒皆椰酒椰花之類並附于左

附錄青田核

崔豹古今注云烏孫國有青田核狀如核桃不知其樹核大如數斗剖之盛水

則變酒味甚醇美飲盡隨即注水隨盡隨成但不可久久則苦澀耳謂之青田酒漢末蜀王劉璋會得之

樹頭酒

寰宇志云緬甸在滇南有樹頭梭高五六丈結實如椰子土人以罐盛麴懸于實下割其

實汁流于罐中以成酒名樹頭酒或不用麴惟取汁熬為白糖其樹即貝樹也緬人取其葉寫書嚴

樹酒

一統志云瓊州有嚴樹搗其皮葉浸以清水和以粳釀或入石榴花葉數日成酒能醉人又梁

書云頓遜國有酒樹似安石榴取花汁貯盃中數日成酒蓋此類也又有文章草可以成酒

椰子瓢氣味甘平無毒主治益氣

開寶

治風

汪穎

食之不

饑令人面澤

時珍出異物志

椰子漿氣味甘溫無毒

洵曰多食冷而動氣時珍曰其性熱故飲之者多昏如醉

狀異物志云食其肉則不饑飲其漿則增渴

主治止消渴塗頭益髮令黑

開寶治吐血水腫去風熱

李珣

發明

震亨曰椰子生海南極熱之地土人賴此解夏月毒渴天之生物各因其材也

椰子皮修治

頌曰不拘時月采其根皮入藥灸用一云其實皮亦可用

氣味苦平

無毒主治止血療鼻衄吐逆霍亂煮汁飲之

開寶

治卒

心痛燒存性研以新汲水服一錢極驗

時珍出龔氏方

穀主治楊梅瘡筋骨痛燒存性臨時炒熟以滾酒泡

服二三錢暖覆取汗其痛即止神驗

時珍

無漏子

拾遺

釋名千年棗

開寶

萬歲棗

一統志

海棗

草木狀

波斯棗

拾遺番

棗

嶺表錄異

金果

輟耕錄

木名海棗

嶺表錄

鳳尾蕉

時珍曰無漏名義未

詳千年萬歲言其樹性耐久也曰海曰波斯曰番言其種自外國來也金果貴之也曰棗曰蕉象其幹葉

之形也番人名其木曰窰莽名其實曰苦魯麻棗苦麻窰莽皆番音相近也

集解

藏器曰無漏子即波斯棗生波斯國狀如棗珣曰樹若栗木其實若橡子有三角頌曰按劉恂

嶺表錄云廣州有一種波斯棗木無旁枝直聳三四丈至巔四向共生十餘枝葉如棗擱彼土人呼為海

棗木三五年一着子每朶約三二十顆都類北方青

肉軟爛味極甘似北地天蒸棗而其核全別兩頭不尖雙卷而圓如小塊紫礦種之不生蓋蒸熟者也時

珍曰千年棗雖有棗名別是一物南番諸國皆有之
即杜甫所賦海棗也按段成式酉陽雜俎云波斯棗
生波斯國彼人呼為窟莽樹長三四丈圍五六尺葉
似上藤不凋二月生花狀如蕉花有兩脚漸漸開罅
中有十餘房子長二寸黃白色狀如棟子有核六七
月熟則子黑狀類乾棗食之味甘如飴也又陶九成
輟耕錄云四川成都府有金果樹六株相傳漢時物也
高五六十丈圍三四尋挺直如矢木無枝柯頂上有
葉如梭櫚皮如龍鱗葉如鳳尾實如棗而大每歲仲
冬有司具祭收采令醫工以刀剝去青皮石灰湯淪
過入冷熟蜜浸換四次餅封進獻不如此法則生澀
不可食番人名為苦魯麻棗蓋鳳尾蕉也一名萬歲
棗泉州有萬年棗即此物也又嵇含草木狀云海棗
大如杯椀以比安期海上如瓜之棗似未得其詳也
巴旦杏亦名忽鹿
麻另是一物也

實氣味甘溫無毒主治補中益氣除痰嗽補虛損好
顏色令人肥健藏器消食止欬治虛羸悅人久服無損

李珣

枕椰子

宋開寶

校正

自木部移入此

釋名木名姑椰木

臨海異物志

麩木

伽藍記

董棧

楊慎

鐵木

時珍曰其木似檳榔而光利故名枕椰子姑椰其音訛也麩言其粉也鐵言其堅也

集解

頌曰枕椰子嶺南二廣州郡皆有之人家亦植之庭院間其木似拼櫚而堅硬所其內取麩大

者至數石食之不飢其皮至柔堅韌可以作屨其子作穗生木端不拘時月采之按劉恂嶺表錄云枕椰子

木枝葉並著茂與檳榔小異然葉下有鬚如粗馬尾
廣人采之以織巾子得鹹水浸即粗脹而韌彼人以
縛海船不用釘線木性如竹紫黑色有文理而堅工
人解之以製博奕局其樹皮中有屑如麩可作餅食
藏器曰按臨海異物志云姑椰木生牂牁山谷外皮
有毛如棕櫚而散生其木剛利如鐵可作鋤中濕
更利惟中焦則易敗耳物之相伏如此皮中有白粉
以稻米耕及麥麩可作餅餌食名枕椰麩彼土少穀
常以牛酪食之時珍曰枕椰二廣交蜀皆有之按郭
義恭廣志云木大者四五圍高五六丈拱直無旁枝
巔頂生葉數十破似棕葉其木肌堅斫入數寸得粉
赤黃色可食又顏玠海槎錄云枕椰木身直如杉又
如棕櫚椰子檳榔波斯棗古散諸樹而稍異有節似
大竹樹杪挺出數枝開花成穗綠色結子如青珠每
條不下百顆一樹近百餘條團團懸掛若傘極可愛
其木最重色類花梨而多紋番船用代鐵鎗鋒銳甚

利古散亦木名
可為杖又名虎散

子氣味甘平無毒主治破宿血開寶

麩氣味甘平無毒主治作餅食腴美令人不饑補益

虛羸損乏腰脚無力久服輕身辟穀李珣

蒟木麩

蒟音拔海藥

校正

自木部移入此

釋名穰木

音襄時珍曰蒟字韻書不載惟孫緬唐韻蒟字註云樹似枕椰則蒟字當作莎衣之

莎其葉離披如莎衣之狀故謂之莎也張勗吳錄地理志言交趾穰木皮中有白粉如米屑乾之搗末以水淋過似麩可作餅食者即此木也後人訛穰為莎音相近耳揚慎卮言乃謂穰木即枕椰誤矣按左思

吳都賦云麩有枕椰又曰文樣
楨檀既是一物不應兩用矣

集解

潤四五圍峰頭生葉兩邊行列如飛鳥翼皮中

有白麩石許搗篩作餅或磨屑作飯食之彼人呼為
葍麩輕滑美好勝於枕椰麩也藏器曰葍木生嶺南
山谷大者木皮內出麩數斛色黃白時珍曰按劉欣
期交州記云都勾樹以棕櫚木中出屑如枕椰麩可
作餅餌恐此
即穰木也

葍麩氣味甘平溫無毒主治補益虛冷消食李珣溫補

久食不饑長生

藏器

波羅蜜

綱目

釋名曩伽結

時珍曰波羅蜜梵語也因此果味甘故借名之安南人名曩伽結波斯人名婆

那娑拂林人名阿

薩輝皆一物也

集解

時珍曰波羅蜜生交趾南番諸國今嶺南滇南亦有之樹高五六丈樹類冬青而黑潤倍之葉

極光淨冬夏不凋樹至斗大方結實不花而實出於枝間多者十數枚少者五六枚大如冬瓜外有厚皮畏之若栗毬上有軟刺礪礪五六月熟時顆重五六斤剥去外皮殼內肉層疊如橘囊食之味至甜美如蜜香氣滿室一實數百核核大如棗其中仁如栗黃煮炒食之甚佳果中之大者惟此與椰子而已

瓢氣味甘香微酸平無毒主治止渴解煩醒酒益氣

令人悅澤

時珍

核中仁氣味同瓢主治補中益氣令人不饑輕健時珍

無花果

食物

釋名映日果

便民圖纂

優曇鉢

廣州志

阿駟

音楚無花果

凡數種時珍曰

此乃映日果也即廣中所謂優曇鉢及波斯所謂阿駟也

集解

時珍曰無花果出揚州及雲南今吳楚閩越人家亦或折枝挿成枝柯如枇杷樹三月發葉如

花構葉五月內不花而實實出枝間狀如木饅頭其內虛軟采以鹽漬壓實令扁日乾充果食熟則紫色軟爛甘味如柿而無核也按方輿志云廣西優曇鉢不花而實狀如枇杷又段成式酉陽雜俎云阿駟出波斯拂林人呼為底珍樹長丈餘枝葉繁茂有了如蓖麻無花而實色赤類椶櫚一月而熟味亦如柿二

書所說皆即此果也又有文光果天仙果古度子皆無花之果也並附於左

附錄文光果

出景州形如無花果肉味如栗五月成熟

天仙果

出泗州樹高八九尺

葉似荔枝而小無花而實子如櫻桃纍纍綴枝間六七月熟其味至甘宋祁方物贊云有子孫枝不花而

實薄言采之味埒蜂蜜

古度子

出交廣諸州樹葉如栗不花而實枝柯間生子大如石榴及櫪

子而色赤味醋煮以為粽食之若數日不煮則化作飛蟻穿皮飛去也

實氣味甘平無毒主治開胃止洩痢

汪穎

治五痔咽喉

痛珍時

葉氣味甘微辛平有小毒主治五痔腫痛煎湯頻熏

洗之取效

震亨

阿勃勒

拾遺

校正

自木部移入此

釋名婆羅門皂莢

拾遺

波斯皂莢

時珍曰婆羅門西域國名波斯西南夷國

名也

集解

藏器曰阿勃勒生拂林國狀似皂莢而圓長味甘好喫時珍曰此即波斯皂莢也按段成式酉

陽雜俎云波斯皂莢彼人呼為忽野簷拂林人呼為阿梨樹長三四丈圍四五尺葉似枸櫞而短小經寒不凋不花而實莢長二尺中有隔隔內各有一子大如指頭赤色至堅硬中黑如墨味甘如飴可食亦入

藥也

附錄羅望子

時珍曰按桂海志云出廣西殼長數寸如肥皂及刀豆色正丹內有二三子喂

食甘美

子氣味苦大寒無毒主治心膈間熱風心黃骨蒸寒

熱殺三蟲

藏器

灸黃入藥治熱病下痰通經絡療小兒

疝氣

李珣

沙棠果

綱目

集解

時珍曰按呂氏春秋云果之美者沙棠之實今嶺外寧鄉瀧水羅浮山中皆有之木狀如棠黃

花赤實其味

如李而無核

實氣味甘平無毒主治食之却水病

時珍
山海經

榑子

音蟾
拾遺

集解

藏器曰榑子似梨生江南左思吳都賦榑留禦
霜是也時珍曰榑留二果名按薛瑩荊陽異物

志云榑子樹南越丹陽諸郡山中皆有之其實如梨
冬熟味酢劉子樹生交廣武平興古諸郡山中三月
着花結實如梨七八月熟
色黃味甘酢而核甚堅

實氣味甘澀平無毒主治生食之止水痢熟和蜜食

之去嗽

藏器

麋目

拾遺

校正

自木部
移入此

釋名鬼目

藏器曰此出嶺南狀如麂目故名陶氏註
荳蔻引麂目小冷即此也後人訛為鬼目

集解

時珍曰鬼目有草木三種此乃木生者其草鬼
目別見草部白莢下又羊蹄菜亦名鬼目並物

異名同按劉欣期交州記云鬼目出交趾九真武平
興古諸處樹高大似棠梨葉似楮而皮白二月生花
仍連着子大者如木瓜小者如梅李而小斜
不周正七八月熟色黃味酸以蜜浸食之佳

氣味酸甘小冷無毒多食發冷痰

藏器

都桷子

拾遺

釋名構子

時珍曰桷音角太平御覽作桶子音同上
聲蓋傳寫之訛也亦與楮構之構名同實

異陳祈暢異物志贊云構子之樹枝葉四布名同種
異實味甜酢果而無核裏面如素拆酒止醒更為遺

賂

集解

高曰按徐表南州記云都栴子生廣南山谷樹

珍曰按魏王花木志曰都栴樹出九真交趾野生二月開花赤色子似木瓜八九月熟里民取食之味酢以鹽酸漚食或蜜藏皆可一云狀如青梅

實氣味酸澀平無毒主治久食益氣止洩藏器安神温

腸治痔久服無損李珣解酒止煩渴時珍

都念子

拾遺

釋名倒捻子

詳下文

集解

藏器曰杜寶拾遺錄云都念子生嶺南隋煬帝時進百株植於西苑樹高丈餘葉如白楊枝柯

長細花心金色花赤如蜀葵而大子如小棗蜜漬食之甘美益人時珍曰按劉恂嶺表錄云倒捻子窠叢不大葉如苦李花似蜀葵小而深紫南中婦女多用染色子如軟柿外紫肉赤無核頭上有四葉如柿蒂食之必捻其蒂故謂之倒捻子訛而為都念子也味甚甘軟

實氣味甘酸小温無毒主治痰嗽噦氣藏暖腹臟益

肌肉

時珍嶺表錄

都咸子

拾遺校正自木部移入此

集解

藏器曰都咸子生廣南山谷按徐表南州記云其樹如李子大如指取子及皮葉曝乾作飲極

香美也時珍曰按嵇含南方草木狀云都咸樹出日南三月生花仍連着實大如指長三寸七八月熟其

色正

黑

子及皮葉氣味甘平無毒主治火乾作飲止渴潤肺

去煩除痰

藏器

去傷寒清涕欬逆上氣宜煎服之

李珣

摩厨子

拾遺

集解

藏器曰摩厨子生西域及南海并斯調國子如瓜可為茹其汁香美如中國用油陳祈暢異物

志贊云木有摩厨生自斯調厥汁肥潤其澤如膏馨香馥郁可以煎熬彼州之人以為嘉穀珣曰摩厨二月開花四五月結實如瓜狀時珍曰又有齊墩果德慶果亦其類也今附於左

附錄齊墩果

酉陽雜俎云齊墩樹生波斯及拂林國高二三文皮青白花似柚極香子似陽

桃五月熟西域人壓為油以煎餅果如中國之用巨勝也

德慶果

一統志云廣之德慶州出之其

樹冬榮子大如盃炙而食之味如猪肉也

實氣味甘香平無毒主治益氣潤五臟久服令人肥

健安神養血生肌久服輕健

李珣

韶子

拾遺

集解

藏器曰韶子生嶺南按裴淵廣州志云韶葉如栗赤色子大如栗有棘刺破其皮內有肉如猪

肪着核不離味甘酢核如荔枝時珍曰按范成大虞衡志云廣南有山韶子夏熟色紅肉如荔枝又有藤

韶子秋熟大
如梟卵柿也

實氣味甘溫無毒主治暴痢心腹冷氣

藏器

馬欖椰

會編

釋名馬金囊

雲南志

馬金南

珠記事

紫欖椰

綱目

集解

時珍曰馬欖椰生滇南金齒沅江諸夷地蔓生結實大如葡萄紫色味甘內有核頗似大楓子

而殼稍薄團長斜扁不等核內有仁亦甜

實氣味甘寒無毒

核仁氣味苦甘寒無毒

機曰凡嚼之者以冷水一口送下其甜如蜜亦不傷人也

主治產難臨時細嚼數枚并華水送下須臾立產再
以四枚去殼兩手各握二枚惡水自下也欲斷產者
常嚼二枚水下久則子宮冷自不孕矣汪機傷寒熱病
食數枚冷水下又治惡瘡腫毒內食一枚冷水下外
嚼塗之即無所傷時珍

枳椇

音止矩
唐本草

校正

自木部移入此
併入拾遺木蜜

釋名蜜積椇

音止
矩

蜜屈律

廣記

木蜜

拾遺

木錫

同上

木珊瑚

廣志鷄距子

蘇文

鷄瓜子

俗名

木名白石木

唐註

金鈎木

地志

枏

拱

音鷄

交加枝

時珍曰枳棋徐鍇註說文作積檄又作枳拘皆屈曲不伸之意此樹多枝

而曲其子亦卷曲故以名之曰蜜曰餈因其味也曰珊瑚曰鷄距曰鷄爪象其形也曰交加曰折拱言其實之紐屈也折拱枋梁之名按雷公炮炙序云弊單淡鹵如酒露交註云交加枝即蜜積檄也又詩話云子生枝端橫折岐出狀若折拱故土人謂之折拱也珍謂折拱及俗稱鷄距蜀人之稱桔拘棘拘滇人之稱鷄橘子巴人之稱金鉤廣人之稱結留子散見書記者皆枳棋鷄距之字方音轉異耳俗又訛鷄爪為曹公爪或謂之梨棗樹或謂之癩漢指頭雀

集解

恭曰枳棋子其樹徑尺木名白石葉如桑柘其子作房似珊瑚核在其端人皆食之頌曰此詩

小雅所謂南山有枸也陸璣疏義云積枸樹高大如白楊所在皆有枝柯不直子着枝端噉之甘美如飴

八九月熟江南特美之謂之木蜜能敗酒味若以其木為柱則屋中之酒皆薄也說曰昔有南人修舍用此木誤落一片入酒甕中酒化為水也藏器曰木蜜樹生南方人呼白石木枝葉俱甜嫩葉可生噉味如蜜老枝細破煎汁成蜜倍甜止渴解煩也時珍曰枳椇木高三四丈葉圓大如桑拓夏月開花枝頭結實如鷄爪形長寸許細曲開作二三歧儼若鷄之足距嫩時青色經霜乃黃嚼之味甜如蜜每開歧盡處結一二十子狀如蔓荊子內有扁核赤色如酸棗仁形飛鳥喜巢其上故宋玉賦云枳椇來巢曲禮云婦人之贄椇榛脯修即此也

鹽藏荷裹可以備冬儲

實氣味甘平無毒

說曰多食發虻蟲

主治頭風小腹拘急

唐本

止渴除煩去膈上熱潤五臟利大小便功用同蜂蜜

枝葉煎膏亦同

藏器

止嘔逆解酒毒辟蟲毒

時珍

發明

震亨曰一男子年三十餘因飲酒發熱又兼房勞虛乏乃服補氣血之藥加葛根以解酒毒微

汗出人反懈怠熱如故此乃血氣虛不禁葛根之散也必須鷄距子解其毒遂煎藥中加而服之乃愈時

珍曰枳椇本草止言木能敗酒而丹溪朱氏治酒病往往用其實其功當亦同也按蘇東坡集云眉山揭穎臣病消渴日飲水數斗飯亦倍常小便頻數服消渴藥逾年疾日甚自度必死予令延蜀醫張肱診之笑曰君幾誤死乃取麝香當門子以酒濡濕作十許丸用棘柎子煎湯吞之遂愈問其故肱曰消渴消中皆脾弱腎敗土不制水而成疾今穎臣脾脉極熱而腎氣不衰當由果實酒物過度積熱在脾所以食多而飲水水飲既多溺不得不多非消非渴也麝香能制酒果花木棘柎亦勝酒屋外有此木屋內釀酒多

不佳故以此二物為藥以去其酒果之毒也棘枸實如鷄距故俗謂之鷄距亦曰癩漢指頭食之如牛乳本草名枳椇小兒喜食之吁古人重格物若眩蓋得此理矣醫云乎哉

木汁氣味

同枳椇

附方

新

腋下狐氣

用桔枸樹鑿孔取汁一二碗用青木香東桃西柳七姓婦人乳一處

煎一二沸就熱於五月五日鷄叫時洗了將水放在十字路口速回勿顛即愈只是他人先遇者必帶去

也桔枸樹即梨棗樹也

胡茨衛生易簡方

木皮氣味甘溫無毒主治五痔和五臟

唐本

本草綱目卷三十一

欽定四庫全書

子部

本草綱目卷三十二

詳校官太醫院醫士臣舒岱

編修臣倉聖脈覆勘

總校官庶吉士臣何思鈞

校對官待詔臣胡士震

謄錄監生臣徐莊

欽定四庫全書

本草綱目卷三十二目錄

果之四

味類十三種

內附四種

秦椒

本經

蜀椒

本經

崖椒

圖經

蔓椒

本經

地椒

嘉祐

胡椒 唐本

畢澄茄

開寶山胡椒附

吳茱萸

本經

食茱萸

唐本即辣子

鹽麩子

開寶咸平樹酸角醜草附

醋林子

圖經

茗

唐本即茶

臯蘆

拾遺

右附方舊五十四新九十六

本草綱目卷三十二目錄

欽定四庫全書

本草綱目卷三十二

明 李時珍 撰

果之四

味類一十三種
內附四種

秦椒

本經
中品

校正

自木部
移入此

釋名大椒

爾雅檄 毀花
椒

集解

別錄曰秦椒生秦山山谷及秦嶺上或瑯琊八
月九月采實弘景曰今從西來形似椒而大色

黃黑味亦頗有椒氣或云即今膠樹子膠乃豬椒恐
謬恭曰秦椒樹葉及莖子都似蜀椒但味短實細爾

藍田秦嶺間大有之頌曰今秦鳳明越金商州皆有之初秋生花秋末結實九月十月采之爾雅云檄大椒郭璞注云椒叢生實大者為檄也詩唐風云椒聊之實繁衍盈升陸璣疏義云椒樹似茱萸有針刺葉堅而滑澤味亦辛香蜀人作茶吳人作茗皆以其葉合煮為香今成臯諸山有竹葉椒其木亦如蜀椒小毒熱不中合藥也可入飲食中及蒸鷄豚用東海諸島上亦有椒枝葉皆相似子長而不圓甚香其味似橘皮島上麋鹿食其葉其肉自然作椒橘香今南北所生一種椒其實大於蜀椒與陶氏及郭陸之說正相合當以實大者為秦椒也宗奭曰此秦地所產者故言秦椒大率椒株皆相似但秦椒葉差大粒亦大而紋低不若蜀椒皺紋為高異也然秦地亦有蜀椒種時珍曰秦椒花椒也始產於秦今處處可種最易蕃衍其葉對生尖而有刺四月生細花五月結實生青熟紅大於蜀椒其目亦不及蜀椒目光黑也范子

計然云蜀椒出武都赤色者善秦椒出隴西天水粒細者善蘇頌謂其秋初生花蓋不然也

修治

同蜀椒

椒紅氣味辛溫有毒

別錄曰生溫熟寒有毒權曰苦辛之才曰惡苦萋防葵畏雌

黃

主治除風邪氣溫中去寒痺堅齒髮明目久服輕

身好顏色耐老增年通神

本經

療喉痺吐逆疝瘕去老

血產後餘疾腹痛出汗利五臟

別錄

上氣欬嗽久風濕

痺

孟詵

治惡風遍身四肢痺痺口齒浮腫搖動女人月

閉不通產後惡血痢多年痢療腹中冷痛生毛髮滅

癥甄能下腫濕氣震

權

亨

附方舊膏痺尿多

六

其人飲少用秦椒二分出汗瓜蒂二分為末水服方寸七日三

服傷寒類要

手足心腫

乃風也椒鹽末等分醋和傅之良肘後方

損瘡中風

以麩作餅飽秦椒於灰中燒之令熟斷開口封於瘡上冷即易之

孟詵食療

久患口瘡

大椒去閉口者水洗麩拌煮作粥空腹吞之以飯壓下重者可再服以瘥為度

食療本草

牙齒

風痛

秦椒煎醋含漱孟詵食療

百蟲入耳

椒末一錢醋半盞浸良久少滴入自出

金方續干

蜀椒

本經中品

校正

自木部移入此

釋名巴椒

別錄漢椒

日華川椒

綱目南椒

炮炙論

唐蔞

唐點椒

時珍曰蜀古國名漢水名今川西成都廣漢潼川諸處是矣巴亦國名又水名今川東重慶夔州順慶閬中諸處是矣川則巴蜀之總稱因岷范黑白四大水分東西南北為四川也

集解

別錄曰蜀椒生武都山谷及巴郡八月采實陰乾弘景曰蜀郡北郡人家種之皮肉厚腹裏白

氣味濃江陽晉康及建平間亦有而細赤辛而不香力勢不如巴郡者恭曰今出金州西域者最佳頌曰今歸峽及蜀川陝洛間人家多作園圃種之木高四五尺似茱萸而小有針刺葉堅而滑可煮飲食四月結子無花但生於枝葉間顆如小豆而圓皮紫赤色八月采實焙乾江淮北土亦有之莖葉都相類但不及蜀中者良而皮厚裏白味烈也時珍曰蜀椒肉厚皮皺其子光黑如人之瞳人故謂之椒目他椒子雖

光黑亦不似之若土
椒則子無光彩矣

修治

數曰凡使南椒須去目及閉口者以酒拌濕蒸
從已至午放冷密蓋無氣後取出便入磁器中

勿令傷風也宗奭曰凡用秦椒蜀椒並微炒使出汗
乘熱入竹筒中以梗搗去裏面黃凝取紅用未盡再
搗或只炒熱隔紙鋪地上
以碗覆待冷碾取紅用

椒紅氣味辛溫有毒

別錄曰大熱多食令人乏氣喘
促口閉者殺人訖曰五月食椒

損氣傷心令人多忘李廷飛曰久食令人失明傷血
脉之才曰杏仁為之使得鹽味佳畏欵冬花防風附
子雄黃可收水銀中其
毒者涼水麻仁漿解之

主治邪氣欬逆溫中逐骨節

皮膚死肌寒熱痺痛下氣久服頭不白輕身增年

經本

除六腑寒冷傷寒溫瘧大風汗不出心腹留飲宿食

腸澼下痢洩精女子字乳餘疾散風邪癥結水腫黃

疸鬼疰蠱毒殺蟲魚毒久服開腠理通血脉堅齒髮

明目調關節耐寒暑可作膏藥

別錄

治頭風下淚腰脚

不遂虛損留結破血下諸石水治欬嗽腹內冷痛除

齒痛

甄權

破癥結開胸治天行時氣產後宿血壯陽療

陰汗暖腰膝縮小便止嘔逆

大明

通神去老益血利五

臟下乳汁滅癥生毛髮

孟詵

散寒除濕解鬱結消宿食

通三焦溫脾胃補右腎命門殺虬蟲止泄瀉

時珍

發明

頌曰服食方單服椒紅補下宜用蜀椒乃佳段成式言椒氣下達餌之益下不上衝也時珍曰

椒純陽之物乃手足太陰右腎命門氣分之藥其味辛而麻其氣溫以熱稟南方之陽受西方之陰故能入肺散寒治欬嗽入脾除濕浴風寒濕痺水腫瀉痢入右腎補火治陽衰洩數足弱久痢諸症一婦年七十餘病瀉五年百藥不效予以感應丸五十丸投之大便二日不行再以平胃摻加椒紅茴香棗肉為丸與服遂瘳每因怒食舉發服之即止此除濕消食溫脾補腎之驗也按歲時記言歲旦飲椒栢酒以辟疫癘椒乃玉衡星精服之令人體健耐老栢乃百木之精為仙藥能伏邪鬼故也吳猛真人服椒訣云椒稟五行之氣而生葉青皮紅花黃膜白子黑其氣馨香其性下行能使火熱下達不致上薰芳草之中功皆

不及其方見下時珍竊謂椒紅丸雖云補腎不分水火未免誤人大抵此方惟脾胃及命門虛寒有濕鬱者相宜若肺胃素熱者大宜遠之故丹溪朱氏云椒屬火有下達之能服之既久則火自水中生故世人服椒者無不被其毒也又上清訣云凡人吃飯傷飽覺氣上衝心胸痞悶者以水吞生椒一二十顆即散取其能通三焦引正氣下惡氣消宿食也又戴原禮云凡人嘔吐服藥不納者必有虵在膈間虵聞藥則動動則藥出而虵不出但於嘔吐藥中加炒川椒十粒良蓋虵見椒則頭伏也觀此則張仲景治虵厥烏梅丸中用蜀椒亦此義也許叔微云大凡腎氣上逆須以川椒引之歸經則安

附方

舊十二新二十三

椒紅丸

治元臟傷憊目暗耳聾服之百日覺身輕少睡足有力是

其效也服及三年心智爽悟日明倍常面色紅悅髭髮光黑用蜀椒去目及合口者炒出汗曝乾搗取紅

一斤以生地黃搗自然汁入銅器中煎至一升候稀稠得所和椒末丸梧子大每空心暖酒下三十九合藥時勿令婦人鷄犬見詩云其椒應五行其仁通六義欲知先有功夜間無夢寐四時去煩勞五臟調元氣明目腰不痛身輕心健記別更有異能三年精自秘回老返嬰童康強不思睡九蟲頓消亡三尸自逃避若能久餌之

補益心腎

仙方椒苓丸補益心腎明目駐顏順氣祛風延年真

川椒一斤炒去汗白茯苓十兩去皮為末煉蜜丸梧子大每服五十九空心鹽湯下忌鐵器邵真人經方虛冷短氣川椒三兩去目并合口者以生絹袋盛浸無灰酒五升中三日隨性飲之腹內虛冷用生椒擇去不折者用四十粒以漿水浸一宿令合口空心新汲水吞下久服暖臟腑駐顏黑髮明目令人**心腹冷痛**以布裹椒安痛處用熨思飲食斗門方

孫真人方冷蟲心痛川椒四兩炒出汗酒一椀陰冷入腹

有人陰冷漸漸冷氣入陰囊腫滿日夜疼悶欲死以布裹椒包囊下熱氣大通日再易之以消為度千金

金呢噫不止川椒四兩炒研麩糊丸梧子大每服十丸醋湯下神效邵以正經驗方傳

尸勞症最殺勞蟲用真川椒紅色者去子及合口以黃草紙二重隔之炒出汗取放地上以砂盆

蓋定以火灰密遮四旁約一時許為細末去殼以老酒浸白糕和丸梧子大每服四十九食前鹽湯下服

至一斤其疾自愈此藥兼治諸痺用肉桂煎湯下腰痛用茴香湯下腎冷用鹽湯下昔有一人病此遇異

人授是方服至二斤吐出一虫如蛇歷節風痛白虎而安遂名神授丸陳言三因方

風痛甚肉理枯虛生蟲遊走痒痛兼治寒濕脚氣川痺疾半身不遂即上治勞症神授丸方

二三升疎布囊盛之日以踏脚實人所用 大 全 良 方 諸瘡中風 生蜀椒一升 以少麩和搜

裹椒勿令漏氣分作兩裹于塘灰火中燒熟刺頭作孔當瘡上卷之使椒氣射入瘡中冷即易之須臾瘡

中出水及遍體出冷汗瘡腫作痛 生椒末釜下土蕎即瘥也 韋宙獨行方 瘡腫作痛 生椒末釜下土蕎

傳之 外 臺秘要 囊瘡痛痒 紅椒七粒蔥頭七箇煮水洗之 一人途中苦此相山寺僧授此

方數日愈名驅 手足皴裂 椒四合以水煮之去渣漬風散 經驗方 手足皴裂 椒四合以水煮之去渣漬

浸候乾塗猪羊腦 漆瘡作痒 譚氏方用漢椒煎湯洗 隨極妙 勝金方 漆瘡作痒 譚氏方用漢椒煎湯洗

所嚼川椒塗鼻 夏月濕瀉 川椒炒取紅肉豈菘喂各 上不生漆瘡 夏月濕瀉 一兩為末粳米飯九梧子

大每量人米 餐瀉不化 及久痢小椒一兩炒蒼朮二 飲服百丸 兩土炒研末醋糊丸梧子大

每米飲服五久冷下痢或不痢腰腹若冷用蜀椒三十升酢漬一宿麴三升同椒一

升拌作粥食不過老小洩瀉小兒水瀝及人年五十

三升瘥千金方以上患瀉用椒二兩醋

二升煮醋盡慢火焙乾碾末磁器貯水瀉奶疳分去

之每服二錢七酒及米飲下譚氏目碾漠酥調少少塗腦上方食茶面黃川椒紅炒碾漠

日三度姚和仲延齡方傷寒齒衄傷寒嘔血繼而齒縫出血不

服十丸茶湯傷寒齒衄傷寒嘔血繼而齒縫出血不

下簡便方傷寒齒衄傷寒嘔血繼而齒縫出血不

醋一盞同煎熟入白礬風蟲牙痛總錄用川椒紅漢

少許服之直指方水和白麴九皂子

大燒熟咬之數度愈一方花椒頭上白禿花椒漢

四錢牙皂七七箇醋一椀煎漱之豬脂調

傳三五度便婦人禿鬢漢椒四兩酒浸密室內日日

蠍螫作痛

川椒嚼細塗之微麻即止 杏林摘要

百蟲入耳

川椒碾細浸醋灌之

自出

毒蛇咬螫

以閉口椒及葉搗封之良 肘後方

蛇入人口

因熱取涼

危氏方

臥地上有蛇入口不得出者用刀破蛇尾納生椒二三粒裹定須臾即自退出也 聖惠方

小兒

暴驚

啼哭絕死 蜀椒左顧牡蠣各六銖以酢漿水一升煮五合每灌一合

千金方

舌蹇語

吃

川椒以生麪包丸每服十粒醋湯送下 救急方

痔漏脫肛

每日空心嚼川椒一錢涼

水送下三五次即收 同上

腎風囊痒

川椒杏仁研膏塗掌心合陰囊而臥甚效 直指方

椒目氣味苦寒無毒

權曰苦辛有小毒

主治水腹脹滿利小

便蘇

治十二種水氣及腎虛耳卒鳴聾膀胱急甄權止

氣喘

震亨

發明

權曰椒氣下達故椒目能治腎虛耳鳴用巴豆
菖蒲同碾細以松脂黃蠟溶和為挺納耳中抽

之治腎氣虛耳中如風水鳴或如打鐘磬之聲卒暴
聾者一日一易神驗宗奭曰椒目治盜汗有功將目
微炒碾細用半錢以生猪上唇煎湯一合睡時調服
無不效蓋椒目能行水又治水蠱也震亨曰諸喘不
止用椒目炒碾二錢白湯調服二三服以上劫之後
乃隨痰火用藥時珍曰椒目下達能行滲道不行發
道所以能下水燥
濕定喘消蠱也

附方

新

五水氣腫滿

椒目炒搗

服方寸匕

如膏每酒

留飲腹痛

椒目

二兩巴豆一兩去皮心熬搗以棗膏和丸麻子大每
服二九吞下其痛即止又方椒目十四枚巴豆一枚

或十六枚合搗為二凡痔漏腫痛椒目一撮碾細空服之取吐利肘後方

海方崩中帶下椒目炒碾細每溫酒服一鈎金匱鈎玄眼生黑花年久不可

治者椒目炒一兩蒼朮炒一兩為末醋糊丸梧子大每服二十九醋湯下本方

葉氣味辛熱無毒主治奔豚伏梁氣及內外腎鈞并

霍亂轉筋和艾及葱碾以醋拌罨之明殺蟲洗脚氣

及漆瘡時珍

根氣味辛熱微毒主治腎與膀胱虛冷血淋色瘀者

煎湯細飲色鮮者勿服時珍出證治要訣

崖椒

宋經圖

釋名野椒

集解

頌曰施州一種崖椒葉大於蜀椒彼土人四季采皮入藥時珍曰此即俗名野椒也不甚香而

子灰色不黑無光野人用炒鷄鴨食

椒紅氣味辛熱無毒

忌鹽時珍曰有毒

主治肺氣上喘兼嗽

嗽并野薑為末酒服一錢七

蘇頌

蔓椒

本經下品

校正

自木部移入此

釋名豬椒

別錄

豕椒

別錄

鼠椒

別錄

豨椒

引景

狗椒

別錄

金椒

經圖

時珍曰此椒蔓生氣
臭如狗涎故得諸名

集解

別景曰蔓椒生雲中山谷及邱冢間采莖根煮
釀酒弘景曰山野處處有之俗呼為樛子似椒

穰而小不香一名豨椒可以蒸病出汗時珍曰蔓椒
野生林菁間枝軟如蔓子葉皆似椒山人亦食之爾
雅云椒椒醜球謂其子叢生也陶氏所謂
樛子當作揉子諸椒之通稱非獨蔓椒也

實根莖氣味苦溫無毒主治風寒濕痺歷節疼除四

肢厥氣膝痛煎湯蒸浴取汗

本經

根主痔燒末服并煮

汁浸之

藏器

賊風攣急

孟詵

通身水腫用枝葉煎如汁熬

如錫狀每空心服一匙日三服

時珍
出千金

地椒

宋嘉祐

校正

自草部移入此

集解

禹錫曰地椒出上黨郡其苗覆地蔓生莖葉甚細花作小朶色紫白因舊莖而生時珍曰地椒

出北地即蔓椒之小者貼地生葉形小味微辛土人以煮羊肉食香美

實氣味辛溫有小毒主治淋滲腫痛可作殺蛀蟲藥

嘉祐祐

附方

一新

牙痛

地花椒川芎藟尖等分為漢擦之海上名方

胡椒

唐本草

校正

自木部移入此

釋名味履支

時珍曰胡椒因其辛辣似椒故得椒名實非椒也

集解

恭曰胡椒生西戎形如鼠李子調食用之味甚辛辣慎微曰按段成式酉陽雜俎云胡椒出摩

伽陀國呼為味履支其苗蔓生莖極柔弱葉長寸半有細條與葉齊條條結子兩兩相對其葉晨開暮合則畏其子于葉中形似漢椒至辛辣六月采今食料用之時珍曰胡椒今南番諸國及交趾滇南海南諸地皆有之蔓生附樹及作棚引之葉如扁豆山藥輩正月開黃白花結椒累累纏藤而生狀如梧桐子亦無核生青熟紅青者更辣四月熟五月采收曝乾乃皺今遍中國食品為日用之物也

實氣味辛大溫無毒

時珍曰辛熱純陽走氣助火昏目發瘡珣曰多食損肺令人吐

血 主治下氣溫中去痰除臟腑中風冷本去胃口虛

冷氣宿食不消霍亂氣逆心腹卒痛冷氣上衝李調

五臟壯腎氣治冷痢殺一切魚肉鼈葷毒

大明

去胃寒

吐水大腸寒滑宗暖腸胃除寒濕反胃虛脹冷積陰

毒牙齒浮熱作痛

時珍

發明

宗奭曰胡椒去胃中寒痰食已則吐水甚驗大腸寒滑亦可用須以他藥佐之過劑則走氣也

震亨曰胡椒屬火而性燥食之快腸喜之者衆積久則脾胃肺氣大傷凡病氣疾人益大其禍也牙齒痛必用胡椒華菱者散其中浮熱也時珍曰胡椒大辛熱純陽之物腸胃寒濕者宜之熱病人食之動火傷氣陰受其害時珍自少嗜之歲歲病目而不疑及也後漸知其弊遂痛絕之目病亦止纔食一二粒即便昏澀此乃昔人所未試者蓋辛走氣熱助火此物氣味俱厚故也病咽喉口齒者亦宜忌之近醫每以綠

豆同用治病有效蓋豆寒椒熱陰陽配合得宜且以
 豆制椒毒也按張從正儒門事親云噎膈之病或因
 酒得或因氣得或因胃火醫氏不察火衰燒薑湯中
 煮桂丁香未已豈能繼之葦芩未已胡椒繼之雖曰
 和胃胃本不寒雖曰補胃胃本不虛况三陽既結食
 必上潮止宜湯丸小小潤之可也時珍竊謂此說雖
 是然亦有食入反出無火之證又有痰
 氣鬱結得辛熱暫開之證不可執一也

附方

舊二新
一十五

心腹冷痛

胡椒三七枚清酒吞之或
 云一歲一粒孟詵食療心

下大痛

壽域方用椒四十九粒乳香一錢研勻男用
 生薑女用當歸酒下又方用椒五分沒藥

三錢研細分二服溫酒下又方胡椒亂吐利孫真
 椒綠豆各四十九粒研爛酒下神効

胡椒三卜粒以飲吞之直指方用胡椒四十
 九粒綠豆一百四十九粒研勻木瓜湯服一錢反胃

吐食

戴原禮方用胡椒醋浸日乾如此七次為漢酒糊丸梧子大每服三四十九醋湯下聖惠方

用胡椒七錢半煨薑一兩水煎分二服是齋百一方用胡椒半夏湯泡等分為漢薑汁糊丸梧子大每

薑湯下夏月冷瀉及霍亂用胡椒碾漢飯丸梧子大三十九每米飲下四十九丸衛生易簡方

赤白下痢

胡椒綠豆各一歲一粒為漢糊丸梧子大紅用生薑白用米湯下集簡方

小便閉

關格不通脹悶二三日則殺人胡椒二十一粒打碎水一盞煎六分去滓入芒硝半兩煎

化服總錄小兒虛脹塌氣丸用胡椒一兩蠟尾半兩為漢麩糊丸粟米大每服五七丸陳

米飲下一加菜菔錢乙方虛寒積癖在背膜之外流於兩脇子半兩錢乙方

滯潰為癰疽多致不救用胡椒二百五十粒蠟尾四箇生木香二錢半為漢粟米飯丸綠豆大每服二十

丸橘皮湯下名磨
積丸 濟生方 房勞陰毒 胡椒七粒葱心二寸半
麝香一分搗爛以黃蠟

溶和做成條子插入陰內少
頃汗出即愈 孫氏集効方 驚風內釣 胡椒木鱉子
仁等分為末

醋調黑豆末和杵丸綠豆大每
服三四十丸荊芥湯下 聖惠 發散寒邪 胡椒丁香
各七粒碾

碎以葱白搗膏和塗兩手心合掌握定夾
于大腿內側溫覆取汗則愈 傷寒蘊要 傷寒欬逆

日夜不止寒氣攻胃也胡椒三十粒打碎
麝香半錢酒一鍾煎半鍾熱服 聖惠方 風蟲牙痛

衛生易簡方用胡椒葦荻等分為末蠟丸麻子大每
用一九塞蛀孔中 韓氏醫通治風虫客寒三般牙

痛呻吟不止用胡椒九粒綠豆十一粒布裹搥碎以
絲綿包作一粒患處咬定涎出吐去立愈 普濟方

用胡椒一錢半以羊脂
拌打四十丸擦之追涎 阿伽陀丸 治婦人血崩用胡
椒紫檀香鬱金茵

根小藥皮等分為漢水丸梧子大每服二十九阿膠湯下時珍曰按酉陽雜俎胡椒出摩伽陀國此方之名因此沙石淋痛胡椒朴硝等分為末每服用二而訛者也

濟方蜈蚣咬傷胡椒嚼封之即不痛多能鄙事

畢澄茄

宋開寶

校正

自草部移入此

釋名毗陵茄子

時珍曰皆蕃語也

集解

藏器曰畢澄茄生佛誓國狀似梧桐子及蔓荆子而微大珣曰胡椒生南海諸國向陰者為澄

茄向陽者為胡椒按顧微廣州志云澄茄生諸海國乃嫩胡椒也青時就樹采摘柄粗而蒂圓頌曰今廣州亦有之春夏生葉青滑可愛結實似梧桐子微大八月九月采之時珍曰海南諸蕃皆有之蔓生春開

白花夏結黑實與胡椒一類二種正如大腹之與檳榔相近耳

修治

數曰凡采得去柄及皺皮了用酒浸蒸之從已至酉杵細晒乾入藥用

實氣味辛溫無毒

珣曰辛苦微溫

主治下氣消食去皮膚風

心腹間氣脹令人能食療鬼氣能染髮及香身

藏器

治

一切冷氣痰癖并霍亂吐瀉肚腹痛腎氣膀胱冷

大明

暖脾胃止嘔吐噦逆

時珍

附方

舊一新五

脾胃虛弱

胸膈不快不進飲食用畢澄茄為漢薑汁打神麴糊凡梧子大

每薑湯下七十九日二服

濟生方噎食不納
畢澄茄白豆蔻等分為

此日登高飲酒戴茱萸囊由此爾時珍曰茱萸枝柔而肥葉長而皺其實結於稍頭累累成簇而無核與椒不同一種粒大一種粒小小者入藥為勝淮南萬畢術云井上宜種茱萸葉落井中人飲其水無瘟疫懸其子於屋辟鬼魅五行志云舍東種白楊茱萸增年除害

修治

敬曰凡使去葉梗每十兩以鹽二兩投東流水四斗中分作一百度洗之自然無涎日乾入九

散用之若用醋煮者每十兩用醋一鎰煮三十沸後入茱萸熬乾用宗奭曰凡用吳茱萸須深湯中浸去苦烈汁七次

氣味辛溫有小毒

權曰辛苦大熱有毒好古曰辛苦熱氣味

俱厚陽中陰也半浮半沉入足太陰經血分少陰厥陰經氣分思邈曰陳久者良閉口者有毒多食傷神令人起伏氣咽喉不通時珍曰辛熱走氣動火昏目發瘡之才曰蓼實為之使惡丹參消石白堊畏紫

釋名

藏器曰茱萸南北總有入藥以吳地者為好所以有吳之名也時珍曰茱萸二字義未詳萸有

俞由

二音

集解

別錄曰吳茱萸生上谷及冤句九月九日采陰乾陳久者良頌曰今處處有之江淮蜀漢猶多

木高丈餘皮青綠色葉似椿而潤厚紫色三月開紅紫細花七月八月結實似椒子嫩時微黃至熟則深紫或云顆粒緊小經久色青綠者是吳茱萸顆粒大經久色黃黑者是食茱萸恐亦不然按周處風土記云俗尚九月九日謂之上九茱萸到此日氣烈熱赤亦可折其房以挿頭云辟惡氣禦冬又續齊諧記云汝南桓景隨費長房學道長房謂曰九月九日汝家有灾厄宜令急去各作絳囊盛茱萸以繫臂上登高飲菊花酒此禍可消景如其言舉家登高山夕還見鷄犬牛羊一時暴死長房間之曰此代之矣故人至

反胃吐食

吐黑汁治不愈者用畢澄茄為末米糊丸桐子大每薑湯下三四十九日一服愈

後服平胃散三百帖 永類鈴方

傷寒欬逆

呃噫日夜不定者用畢澄茄高良薑各等分為

末每服二錢水六分煎十沸入酢少許服之 蘇頌圖經

痘瘡入目

羞明生翳畢澄茄末吹少

許入鼻中三五次效 飛鴻集

鼻塞不通

肺氣上攻而致者畢澄茄丸用畢澄茄半兩薄荷葉

三錢荆芥穗一錢半為末蜜丸 芟子大時時含咽 御藥院方

附錄山胡椒

唐本草恭曰所在有之似胡椒色黑顆粒大如黑豆味辛大熱無毒主心腹冷

痛破滯氣 俗用有效

吳茱萸

本經中品

校正

自木部移入此

石英 主治溫中下氣止痛除濕血痺逐風邪開腠理效

逆寒熱本經利五臟去痰冷逆氣飲食不消心腹諸冷

絞痛中惡心腹痛別錄霍亂轉筋胃冷吐瀉腹痛產後

心痛治遍身癢痺刺痛腰脚軟弱利大腸壅氣腸風

痔疾殺三蟲甄權殺惡蟲毒牙齒蟲蠶鬼魅疰氣藏器下

產後餘血治腎氣脚氣水腫通關節起陽健脾大明主

痢止瀉厚腸胃肥健人孟詵治痞滿塞胃咽膈不通潤

肝燥脾好古開鬱化滯治吞酸厥陰痰涎頭痛陰毒腹

痛疝氣血痢喉舌口瘡

時珍

發明

頌曰段成式言椒氣好下茱萸氣好上言其衝

膈不可為服食之藥故多食衝眼又脫髮也宗

爽曰此物下氣最速腸虛人服之愈甚元素曰氣味

俱厚浮而降陽中陰也其用有三去胸中逆氣滿塞

止心腹感寒疔痛消宿酒為白豆蔻之使也果曰濁

陰不降厥氣上逆咽膈不通食則令人口開目瞪陰

寒隔氣塞不得上下此病不已令人寒中腹滿膨脹

下利宜以吳茱萸之苦熱泄其逆氣用之如神諸藥

不可代也不宜多用恐損元氣好古曰衝脈為病逆

氣裏急宜此主之震坤合見其色綠故仲景吳茱萸

湯當歸四逆湯方治厥陰病及溫脾胃皆用此也時

珍曰茱萸辛熱能散能溫苦熱能燥能堅故其所治

之症皆取其散寒溫中燥濕解鬱之功而已案朱氏

集驗方云中丞常子正苦痰飲每食飽或陰晴節

變率同十日一發頭疼背寒嘔吐酸汁即數日伏枕
不食服藥罔效宣和初為順昌司祿于太守蔡達道
席上得吳仙丹方服之遂不再作每遇飲食過多腹
滿服五七十九便已少頃小便作菜莢氣酒飲皆隨
小水而去前後痰藥甚衆無及此者用吳茱萸湯泡
七次茯苓等分為末煉蜜九梧子大每熟水下五十
丸梅楊卿方只用茱萸酒浸三宿以茯苓末拌之日
乾每吞百粒溫酒下又咽喉口舌生瘡者以茱萸末
醋調貼兩足心移夜便愈其性雖熱而能引熱下行
蓋亦從治之義而謂茱萸之性上行不下者似不然
也有人治小兒痘瘡口喙者齧茱萸
一二粒拌之即開亦取其辛散耳

附方

舊二十五
新二十一

風癩痒痺

茱萸一升酒五升煮取一
升半溫洗之立止 孟詵

食賊風口偏

不能語者茱萸一升薑豉三升清酒五
升和煎五沸待冷服半升一日三服得

少汗即瘥

冬月感寒

吳茱萸五錢煎湯服之取汗

頭風作痛

茱萸煎濃

湯以綿染頻拭髮根良

千金翼方嘔涎頭痛

吳茱萸湯用茱萸一升棗二十枚生薑一大兩

人參一兩以水五升煎取三升

每服七合日三服仲景方嘔吐胸滿

上方同脚氣

冲心

吳茱萸生薑搗飲甚良孟詵方

腎氣上噦

腎氣自腹中起上築于咽喉逆氣連

屬而不能出或至數十聲上下不得喘息此由寒傷胃腕腎虛氣逆上乘于胃與氣相併難經謂之噦素問云病深者其聲噦宜服此方如不止灸期門關元腎俞穴用吳茱萸醋炒熱橘皮附子去皮各一兩為末麩糊丸梧子大每薑湯下七十九孫氏存仁方陰毒傷寒四肢逆冷用茱萸一升酒拌濕

縮袋二箇包蒸極熱更互熨足心候氣透痛亦即止累有効

聖忠方中惡心痛

吳茱萸五

合酒三升煮沸分三服

楊氏產乳

心腹冷痛

方同上

冷氣腹痛

吳茱萸二

錢搗爛以酒一鍾調之入香油一盞入鍋煎熟

傾菜酒入鍋煎一滾取服立止

唐瑤經驗方 脾元

氣痛

發歇不可忍用茱萸一兩桃仁一兩和炒菜焦去菜取桃仁去皮尖研細葱白三莖煨熟酒浸

溫服

經驗方 寒疝往來

吳茱萸一兩生薑半兩清酒一升煎溫分服

肘後方

小腸

疝氣

奪命丹治遠年近日小腸疝氣偏墜掣疼臍下撮痛以致悶亂及外腎腫硬日漸滋長及陰間

濕痒成瘡用吳茱萸去梗一斤分作四分四兩酒浸四兩醋浸四兩湯浸四兩童子小便浸一宿同焙乾

澤瀉二兩為末酒糊丸梧子大每服五十丸空心鹽湯或酒吞下如宜方名星斗丸

兒腎縮

乃初生受寒所致用吳茱萸硫黃各半兩同大蒜研塗其腹仍以蛇床子烟熏之

聖惠

方 婦人陰寒

十年無子者用吳茱萸川椒各一升為末煉蜜九彈子大綿裹納陰中日再易

之但子宮開即有子也

經心錄 子腸脫出

茱萸三升酒五升煎二分三服 兵部手集

醋心上攻

如濃醋用茱萸一合水三盞煎七分頓服近有人心如蜚破服此二十年不發也累

用有效

同上 食已吞酸

胃氣虛冷者吳茱萸湯泡七次焙乾薑泡等分為末湯服一錢 聖

惠 轉筋入腹

茱萸炒二兩酒二盞煎一盞分二服得下即安 聖濟錄

霍亂乾嘔

不止吳茱萸泡炒乾薑炮

多年脾泄

老人多此謂之水土同化吳茱

萸三錢炮過入水煎汁入鹽少許通口服蓋茱萸能暖膀胱水道既清大腸自固他藥雖熱不能分解清

濁也

孫氏仁存方

臍寒泄瀉

倦怠減食吳茱萸湯泡過炒猪臍半條去脂洗淨裝滿紮定文

火煮熟搗丸梧子大每服五
十丸米飲下日二服
普濟
滑痢不止
上方同
下痢水

泄
水煎服未止再服
聖惠方
赤白下痢
和劑局方
治

脾胃受濕下痢腹痛未穀不化用吳茱萸黃連白芍
藥各一兩同炒為末蒸餅丸梧子大每服二三十丸

米飲下
百一選方變通丸治赤白痢日夜無度及
腸風下血用川黃連二兩吳茱萸二兩湯泡七次同

炒香揀出各自為末粟米飯丸梧子大另收每服三
十丸赤痢甘草湯下黃連丸白痢乾薑湯下茱萸丸

赤白痢各用十五丸未湯下此乃浙西河山純老以
溲蘇韜光者救人甚效
鄧筆峰襍興方三色丸治

痢及水泄腸風用吳茱萸二兩黃連二兩同炒香各
自為末以百草霜末二兩同黃連作丸以白芍藥末

二兩同茱萸作丸各用飯丸梧子大各收每服五十
丸赤痢烏梅湯下連霜白痢米飲下茱萸芍赤白痢各

半服
赤痢臍痛
菜萸合黑豆湯吞之
千金方
腸痔常血
下部痒痛如虫咬者

掘地作坑燒赤以酒沃之搗菜萸二升入坑乘熱腹坐有孔板熏之冷乃下不過三四度愈
肘後方
腹

中癥痛
菜萸三升搗和酒煮熟布裹熨癥上冷更炒熱更番熨之癥移走逐熨之消乃止
姚僧

坦集
產後盜汗
曹曹惡寒菜萸一鷄子大酒三升浸半日煮服
千金翼
口瘡口

疖
菜萸末醋調塗足心
咽喉作痛
方同
牙齒疼痛
菜萸

煎酒含漱之
小兒頭瘡
吳菜萸炒焦為末入米粉少許猪脂醋調塗之
聖惠方

小兒瘰癧
一名火灼瘡一名火爛瘡
老小風疹
方同

上
癰疽發背
及發乳諸毒用吳菜萸一升搗為末用苦酒調塗帛上貼之
外臺秘要

陰下濕痒

吳茱萸煎湯洗取効

同上

骨在肉中

不出者嚼茱萸封之骨當腐出

孟詵食療

魚骨入腹

刺痛不得出者吳茱萸水煎一盞溫服其骨必軟出未出再服

上

蛇咬毒瘡

用吳茱萸一兩為末冷水和作三服立安

肩疽白禿

並用

吳茱萸鹽淹過炒研醋和塗之

活幼口議

寒熱怪病
寒熱不止數日四肢堅如石擊之似

鐘磬聲日漸瘦惡用茱萸木香等分煎湯飲之愈

夏子益方

葉氣味辛苦熱無毒主治霍亂下氣止心腹痛冷氣

內外腎釣痛鹽碾罨之神驗乾即易轉筋者同艾搗

以醋和罨之

大明

治大寒犯腦頭痛以酒拌葉盛袋蒸

熟更互枕熨之痛止為度

時珍

枝主治大小便卒關格不通取南行枝如手第二指

中節含之立下

蘇頌 出姚僧坦集驗方

根及白皮氣味

同葉

主治殺三蟲本經蟻蟲治喉痺欬逆

止洩注食不消女子經產餘血療白癬別錄殺牙齒蟲

止痛

藏器

治中惡腹中刺痛下痢不禁療漆瘡

甄權

附方

舊二 新二

寸白蟲

茱萸東北陰細根大如指者勿洗去土四寸切以水酒各一升浸一

宿平旦分再服當取蟲下千金方肝勞生蟲眼中赤脉吳茱萸根為末一兩半粳米半合鷄

子白三箇化蠟一兩半和丸小豆脾勞發熱有蟲在

大每米湯下三十丸當取蟲下病令人好嘔者取東行茱萸根大者一尺大春子八

升橘皮二兩三物咬咀以酒一斗浸一宿微火薄暖之絞去滓平旦空腹服一升取蟲下或死或半

爛或下黃汁凡作藥時切忌言語剛繁方腎熱

食茱萸

唐本草

校正

自木部移入此併入拾遺樛子

釋名檇

殺音殺

艾子

圖越椒

博樛子

拾遺辣子

弘景曰禮記名

殺而俗中呼為檇子當是不識殺字也恭曰爾雅云
椒檇醜球陸璣詩疏云椒檇屬也並有檇名陶說誤
矣時珍曰此即樛子也蜀人呼為艾子楚人呼為辣
子古人謂之殺及檇子因其辛辣蜇口慘腹使人有

殺穀黨然之狀故有諸名蘇恭謂茱萸之開口者為食茱萸孟詵謂茱萸之閉口者為欐子馬志謂粒大色黃黑者為食茱萸粒緊小色青綠者為吳茱萸陳藏器謂吳食二茱萸是一物入藥以吳地者為良不當重出此除只可言漢與吳不可言食與不食時珍竊謂數說皆因茱萸二字相混致誤耳不知吳茱食茱乃一類二種茱萸取吳地者入藥故名吳茱萸欐子則形味似茱萸惟可食用故名食茱萸也陳藏器不知食茱萸即欐子重出欐子一條正自誤矣按曹憲博雅云欐子越椒茱萸也鄭樵通志云欐子一名食茱萸以別吳茱萸禮記三牲用蕝是食茱萸也二說足正諸人之謬

集解

藏器曰欐子出閩中江東其木高大似檮莖間有刺其子辛辣如椒南人淹藏作果品或以寄

遠吳越春秋云越以甘蜜九欐報吳增封之禮則欐之相贈尚矣頌曰食茱萸南北皆有之其木亦甚高

大有長及百尺者枝莖青黃上有小白點葉類油麻其花黃色蜀人呼為艾子禮記所謂藪者是也藪艾聲相近也宜入食羹中能發辛香時珍曰食茱萸檳子辣子一物也高木長葉黃花綠子叢簇枝上味辛而苦土人八月采搗濾取汁入石灰攪成名曰艾油亦曰辣米油始辛辣蜇口入食物中用周處風土記以椒檳薑為三香則自古尚之矣而今貴人罕用之

實氣味辛溫大熱無毒

時珍曰有小毒動脾火病目者忌之頽曰發瘡痔浮腫虛

志之才曰畏紫石英

主治功同吳茱萸力少劣爾療水氣用之

佳

蘇恭

心腹冷氣痛中惡除欬逆去臟腑冷溫中甚良

孟詵療蠱毒飛尸着喉口者刺破以子指之令出血當

下涎沫煮汁服之去暴冷腹痛食不消殺腥物

藏器

治

冷痢帶下暖胃燥濕

時珍

附方

新

赤白帶下

欖子石菖蒲等分為末每日鹽酒溫服二錢

經驗方

久瀉

虛痢

腹痛者欖子九治之欖子肉豆蔻各一兩陳米一兩半以米一分同二味炒黃為末一分生研

為末粟米粥九梧子大每陳米飲下五十九日三服

普濟方

鹽麩子

開寶

校正

自木部移入此

釋名五楮

音倍

鹽膚子

綱目

鹽梅子

同上

鹽棊子

同上

木鹽

通志

天鹽

靈草篇

叛奴鹽

拾遺

酸桶

拾遺藏器曰蜀人謂之酸桶亦曰酢桶吳人謂之鹽

麩戎人謂之木鹽時珍曰其味酸鹹故有諸名山海經云橐山多構木郭璞注云構木出蜀中七八月吐穗成時如有鹽粉可以酢羹

即此也後人訛為五倍矣

集解

藏器曰鹽麩子生吳蜀山谷樹狀如椿七月子成穗粒如小豆上有鹽似雪可為羹用嶺南人

取子為末食之酸鹹止渴將以防瘴時珍曰橐木即構木東南山原甚多木狀如椿其葉兩兩對生長而有齒面青背白有細毛味酸正葉之下節節兩邊有直葉貼莖如箭羽狀五六月開花青黃色成穗一枝纍纍七月結子大如細豆而扁生青熟微紫色其核淡綠狀如腎形核外薄皮上有薄鹽小兒食之滇蜀人采為木鹽葉上有蟲結成五倍子八月取之詳見蟲部後魏書云勿吉國水氣鹹凝鹽生樹上即此物也別有咸平樹鹹草酸角皆其類也附見於左

附錄咸平樹

真臘國人不能為酸但用咸平樹葉及莢與子為之

酸角

雲南臨安諸處

有之狀如猪牙皂莢浸水和羹酸美如醋

鹹草

扶桑東有女國產鹹草葉似邪蒿而氣香味鹹彼人

食之

子氣味酸鹹微寒無毒

鹽霜制 汞硫

主治除痰飲瘴瘧喉

中熱結喉痺止渴解酒毒黃疸飛尸蠱毒天行寒熱

欬嗽變白生毛髮去頭上白屑搗末服之

藏器

生津降

火化痰潤肺滋腎消毒止痢收汗治風濕眼病

時珍

發明

時珍曰鹽麩子氣寒味酸而鹹陰中之陰也鹹能爽而潤故降火化痰消毒酸能收而澀故生

津潤肺止痢腎主五液入肺為痰入脾為涎入心為汗入肝為淚自入為唾其本皆水也鹽麩五倍先走腎肝有救水之功所以痰涎盜汗風濕下淚涕唾之證皆宜用之

樹白皮主治破血止血蠱毒血痢殺虻蟲并煎服之

開寶

根白皮主治酒疸搗碎米泔浸一宿平旦空腹溫服

一二升

開寶

諸骨鯁以醋煎濃汁時呷之

時珍

發明

時珍曰按本草集議云鹽麩子根能軟鷄骨岑公云有人被鷄骨哽項腫可畏用此根煎醋吸

至三碗便吐出也又彭醫官治骨哽以此根搗爛入鹽少許綿裹以線繫定吞之牽引上下亦鈞出骨也

醋林子

圖經

校正

自外類移入此

釋名

時珍曰以味得名

集解

頌曰醋林子生四川邛州山野林菁中木高丈餘枝葉繁茂三月開白花四出九月十月子熟

累累數十枚成朶生青熟赤畧類櫻桃而蒂短熟時采之陰乾連核用土人以鹽醋收藏充果食其葉味醋夷療人采得入鹽和魚鮓食云勝用醋也

實氣味酸溫無毒主治久痢不瘥及痔漏下血虻咬

心痛小兒疳虻心痛脹滿黃瘦下寸白蟲單搗為末

酒服一錢匕甚效鹽醋藏者食之生津液醒酒止渴

多食令人舌粗折也

蘇頌

茗

唐本草

校正

自木部移入此

釋名苦槩

槩途二音

槩爾雅

設音

苻音頌曰郭璞云

茗一名薺蜀人謂之苦茶陸羽云其名有五一茶二

槩三設四茗五薺時珍曰楊慎丹鉛錄云茶即古茶

字音途詩云誰謂荼苦其甘如薺是也顏師古云漢時茶陵始轉途音為宅加切或言六經無茶字水滸

耳攷

集解

神農食經云茶茗生益州及山陵道旁凌冬不死三月三日采乾蒸曰茗生山南澤中山谷兩

雅云槩苦茶郭璞註云樹小似卮子冬生葉可煮作羹飲頌曰今閩浙蜀江湖淮南山中皆有之通謂之

茶春中始生嫩葉蒸焙去苦水末之乃可飲與古所食殊不同也陸羽茶經云茶者南方嘉木自一尺二尺至數十尺具巴川峽山有兩人合抱者伐而掇之木如爪蘆葉如卮子花如白薔薇實如棕櫚萃如丁香根如胡桃具上者生爛石中者生櫟環下者生黃土藝法如種瓜三歲可采陽岸陰林紫者上綠者次筍者上芽者次葉卷者上舒者次在二月三月四月之間茶之筍者生於爛石之間長四五寸若蕨之始抽凌露采之茶之芽者發于叢薄之上有三枝四枝五枝於枝顛采之采得蒸焙封乾有千類萬狀也畧而言之如胡人靴者感縮然如犂牛臆者廉沾然出山者輪囷然拂水者涵澹然皆茶之精好者也如竹箴如霜荷皆茶之瘠老者也其別者有名南芽枸杞芽杞杷葉皆治風疾又有皂莢芽槐芽柳芽乃上春摘其芽和茶作之故今南人輸官茶往往雜以衆葉惟茅蘆竹筍之類不可入自餘山中草木芽葉皆可

和合椿柿尤奇真茶性冷惟雅州蒙山出者溫而主疾毛文錫茶譜云蒙山有五頂上有茶園其中頂曰上清峯昔有僧人病冷且久遇一老父謂曰蒙之中頂茶當以春分之先後多聚人力俟雷發聲併手采擇三日而止若獲一兩以本處水煎服即能祛宿疾二兩當眼前無疾三兩能固肌骨四兩即為地仙矣其僧如說獲一兩餘服之未盡而疾瘳其四頂茶園采摘不廢惟中峯草木繁密雲霧蔽虧驚獸時出故人跡不到矣近歲稍貴此品製作亦精于他處陳承曰近世茶衰述閩茶極備惟建州北苑數處產者性味與諸方畧不同今亦獨名蠟茶上供御用碾治作餅日晒得火愈良其他者或為芽或為末收貯若微見火便硬不可久收色味俱敗惟鼎州一種芽茶性味畧類建茶今汴中及河北京西等處磨為末亦冒蠟茶者是也宗奭曰苦茶即今茶也陸羽有茶經丁謂有北苑茶錄毛文錫有茶譜茶宗頗有茶對皆甚

詳然古人謂茶為雀舌麥顆言其至嫩也又有新芽一發便長寸餘其粗如針最為上品其根幹水土力皆有餘故也雀舌麥顆又在下品前人未知耳時珍曰茶有野生種生種者用子其子大如指頂正圓黑色其仁入口初甘後苦最戟人喉而閩人以榨油食用二月下種一次須百顆乃生一株益空殼者多故也畏水與日最宜坡地蔭處清明前采者上穀雨前者次之此後皆老茗爾采蒸揉焙修造皆有法詳見茶譜茶之稅始于唐德宗盛于宋元及于我朝乃與西番互市易馬夫茶一木爾下為民生日用之資上為朝廷賦稅之助其利博哉昔賢所稱大約謂唐人尚茶茶品益衆有雅州之蒙頂石花露芽穀芽為第一建寧之北苑龍鳳團為上供蜀之茶則有東川之神泉獸目硤州之碧澗明月夔州之真香邛州之火井思安黔陽之都濡嘉定之峨眉瀘州之納溪玉壘之沙坪楚之茶則有荊州之仙人掌湖南之白露長

沙之鐵色蕪州蕪門之團面壽州霍山之黃芽廬州之六安英山武昌之樊山岳州之巴陵辰州之淑浦湖南之寶慶茶陵吳越之茶則有湖州顧渚之紫筍福州方山之生芽洪州之白露雙井之白毛廬山之雲霧常州之陽羨池州之九華了山之陽波袁州之界橋睦州之鳩坑宣州之陽坑金華之舉岩會稽之日鑄皆產茶有名者其他猶多而猥雜更甚按陶隱居註苦茶云酉陽武昌廬江晉陵皆有好茗飲之宜人凡所飲物有茗及木葉天門冬苗菝葜葉皆益人餘物並冷利又巴東縣有真茶火煇作卷結為飲亦令人不眠俗中多煮檀葉及大皂李葉作茶飲並冷利南方有瓜蘆木亦似茗也今人采槲櫟山槲南燭烏藥諸葉皆可為飲以亂茶云

葉氣味苦甘微寒無毒

藏器曰苦寒久食令人瘦去人脂使人不睡飲之宜熱冷

則聚痰胡洽曰與榷同食令人身重李廷飛曰大渴及酒後飲茶水入腎經令人腰脚膀胱冷痛兼患水腫攣痺諸疾大抵飲茶宜熱宜少不飲尤佳空腹最忌時珍曰服威靈仙土茯苓者忌飲茶

主治

瘰癧利小便去痰熱止渴令人少睡有力悅志

神農食經

下氣消食作飲加茱萸葱薑良

蘇恭

破熱氣除瘴氣利

大小腸

藏器

清頭目治中風昏憤多睡不醒

好古

治傷暑

合醋治泄痢甚效

陳承

炒煎飲治熱毒赤白痢同芫蕪

葱白煎飲止頭痛

吳瑞

濃煎吐風熱痰涎

時珍

發明

好古曰茗茶氣寒味苦入手足厥陰經治陰證湯藥內入此去格拒之寒及治伏陽大意相似

經云苦以泄之其體下行所以能清頭目機曰頭目不清熱熏上也以苦泄其熱則上清矣且茶體輕浮采摘之時芽蘖初萌正得春升之氣味雖苦而氣則薄乃陰中之陽可升可降利頭目蓋本諸此汪穎曰一人好燒鶩炙疇日常不缺人咸防其生癰疽後卒不病訪知其人每夜必啜涼茶一椀乃知茶能解炙疇之毒也楊士瀛曰薑茶治痢薑助陽茶助陰並能消暑解酒食毒且一寒一熱調平陰陽不問赤白冷熱用之皆良生薑細切與真茶等分新水濃煎服之蘇東坡以此治文潞公有效時珍曰茶苦而寒陰中之陰沉也降也最能降火火為百病火降則上清矣然火有五火有虛實若少壯胃健之人心肺脾胃之火多盛故與茶相宜溫飲則火因寒氣而下降熱飲則茶借火氣而升散又兼解酒食之毒使人神思闡爽不昏不睡此茶之功也若虛寒及血弱之人飲之既久則脾胃惡寒元氣暗損土不制水精血潛虛成

疾飲成痞脹成痿痺成黃瘦成嘔逆成洞瀉成腹痛
成疝瘕種種內傷此茶之害也民生日用蹈其弊者
往往皆是而婦孺受害更多習俗移人自不覺耳况
真茶既少雜茶更多其為患也又可勝言哉人有嗜
茶成癖者時時咀嚼不止久而傷營傷精血不華顏
色黃瘁痿弱犯病不悔尤可嘆惋晉干寶搜神記載
武官周時病後啜茗一斛二升乃止纔減升合便為
不足有客令更進五升忽吐一物狀如牛脾而有口
澆之以茗盡一斛二升再澆五升則溢出矣人遂謂
之斛茗瘕嗜茶者觀此可以戒矣陶隱居雜錄言丹
丘子黃山君服茶輕身換骨壺公食忌言苦茶久食
羽化者皆方士謬言誤世者也按唐補闕母昃茶序
云釋滯消壅一日之利暫佳瘠氣侵精終身之累斯
大獲益則功歸茶力貽患則不謂茶矣豈非福近易
知禍遠難見乎又宋學士蘇軾茶說云除煩去膩世
故不可無茶然暗中損人不少空心飲茶入鹽直入

腎經且冷脾胃乃引賊入室也惟飲食後濃茶漱口既去煩膩而脾胃不知且苦能堅齒消蟲深得飲茶之妙古人呼茗為酪奴亦賤之也時珍早年盛氣每飲新茗必至數椀輕汗發而肌骨清頗覺痛快中年胃氣稍損飲之即覺為害不痞悶嘔惡即腹冷洞泄故備述諸說以警同好焉又濃茶能令人吐乃酸苦漏泄為陰之義非其性能升也

附方

舊六新十三

氣虛頭痛

用上春茶末調成膏置瓦蓋內覆轉以巴豆四十粒作二

次燒烟熏之晒乾乳細每服一字別入好茶末食後煎服立效 醫方大成 熱毒下痢 孟

曰赤白下痢以好茶一斤炙搗末濃煎一二盞服久患痢者亦宜服之 直指用臘茶赤痢以蜜水煎服

白痢以連皮自然薑汁同水煎服二三服即愈 經 驗良方用臘茶二錢湯點七分入麻油一規殼和服

須臾腹痛大下即止一少年用之有效一方蠟茶末以白梅肉和丸赤痢甘草湯下白痢烏梅湯下各

百凡一方建茶**大便下血**榮衛氣虛或受風邪或合醋煎熱服即止**大便下血**榮衛氣虛或受風邪或

食過度積熱腸間使脾胃受傷糟粕不聚大便下利清血臍腹作痛裏急後重及酒毒一切下血並皆治

之用細茶半斤碾末川百藥煎五箇燒存**產後秘塞**性每服二錢米飲下日二服普濟方

以葱涎調蠟茶末凡百丸茶服自通不可用**久年心**大黃利藥利者百無一生郭稽中婦人方

痛十年五年者煎湖茶以頭醋**腰痛難轉**煎茶五合和勻服之良兵部手集

頓服孟**嗜茶成癖**一人病此一方士令以新鞋盛說食療茶令滿任意食盡再盛一鞋如

此三度自不喫也男用女鞋女**解諸中毒**芽茶白碧用男鞋用之果愈也集簡方等分研末

冷水調下
痘瘡作痒
房中宜燒茶烟恒熏之
陰囊生瘡
用蠟面茶為末

先以甘草湯洗後
脚極濕爛
茶葉嚼爛傳之有效
蠹蝮尿
攝生方

瘡
初如糝粟漸大如豆更大如火烙漿炮疼痛至甚者速以草茶并蠟茶俱可以生油調傳藥至痛乃

止勝
風痰顛疾
茶芽卮子各一兩煎濃汁一
霍亂
金方 梳服良久探吐 摘玄方

煩悶
茶末一錢煎水調乾薑末一
月水不通
茶清一瓶入沙

糖少許露一夜服雖三箇月
痰喘欬嗽
不能睡臥好末茶一兩白

僵蠶一兩為末放盆內益定傾沸湯一
小蓋臨臥再添湯點服
瑞竹堂方

茶子氣味苦寒有毒主治喘急欬去痰垢搗仁洗

衣除油膩

時珍

附方

新三

上氣喘急

時有欬嗽茶子百合等分為末蜜丸梧子大每服七丸新汲水下

聖惠方

喘嗽齁齶

不拘大人小兒用糯米泔少許磨茶子滴入鼻中令吸入口服之口咬竹

筒少頃涎出如線不過二三

頭腦鳴響

狀如虫蛀名大白蟻以茶

子為末吹入鼻中取効楊拱醫方摘要

臯蘆

拾遺

校正

自木部移入此

釋名瓜蘆

弘景苦荳藏器曰南越志云龍川縣有臯蘆一名瓜蘆葉似茗土人謂之過羅

或曰物羅皆夷語也

集解

弘景苦菜註曰南方有瓜蘆亦似茗苦摘取其葉作屑煮飲即通夜不睡煮鹽人惟資此飲而

交廣最所重客來先設乃加以香芼之物李珣曰按此木即臯蘆也生南海諸山中葉似茗而大味苦澀

出新平縣南人取作茗飲極重之如蜀人飲茶也時珍曰臯蘆葉狀如茗而大如手掌投碎沱飲最苦而

色濁風味比茶不及遠矣今唐人用之名曰苦登

葉氣味苦平無毒

時珍曰寒胃冷者不可用

主治煮飲止渴明目

除煩令人不睡消痰利水

藏器

通小腸治淋止頭痛煩

熱

李珣噙嚙清上膈利咽喉

時珍

本草綱目卷三十二